



19
20
21
22
23
24
25
26
27
28
29
30
31
32
33
34
35
36
37
38
39
40
41
42

古130
854.1

部





金石萃編卷一百五十三



賜進士出身 誥授光祿大夫刑部右侍郎加七級王昶撰

遼

涿州雲居寺四大部經記

碑高四尺一寸廣二尺五寸共二十五行行五十二字至六十五字不等五書在房山縣

涿州白帶山雲居寺東峯續鐫成四大部經記

殿試進士趙遵仁撰

鄉貢進士王詮書

蓋聞嚴相好具慈悲師天人出生死者 諸佛之願力也開羣迷入聖道薰種性達因緣者諸法之功德也

金石錄卷一百五十三
佛之願力既如彼法之功德又若此 佛法之道大矣
哉然則三身應現資化以談其真三學對明惟經以標
其右爲聖凡之宗要濟像末之根本有緣斯格無福靡
臻是以周兆不祥化身以之西域漢警宵夢像教由是
東來遂得貝籍靈文時臻於近代就唐譯梵歲出於諸
家釋教流通自茲寤盛若乃一軸一藏半偈半言或摸
以香檀或書之緗卷尙能蠲見苦而滌宿業締上緣而
成妙果利益廣大思議其難矧有勒石傳文鑿山開室
錄寶軸之妙說藏金口之微言水火不可漂燒風雨不
可漬壞以備凌滅傳之無窮寔所謂施最上法盡未來

際者也燕都之有五郡民最饒者涿郡首焉涿郡之有
七寺境最勝者雲居占焉寺自隋朝所建号自唐代所
賜山在郡之西北五十里寺在山之陽掌寺之東望有
峯最高故曰東峯峯頂上有石室七焉經佇是室先自
我朝太平七年會故樞密直學士韓公諱紹芳知牧
是州因從政之暇命從者遊是山詣是寺陟是峯暨觀
遊聞乃見石室內經碑且多依然藏佇遂召當寺耆秀
詢以初迹代去時移細無知者既而於石室間取出經
碑驗名對數得正法念經一部全七十卷計碑二百一
十條大涅槃經一部全四十卷計碑一百二十條大花

嚴經一部全八十卷計碑二百四十條大般若經五百
二十卷計碑一千五百六十條又於左右別得古記云
幽州沙門釋淨琬精有學識於隋大業中發心造石經
一藏以備法滅遂於幽州西南白帶山上鑿爲石室以
石勒經藏諸室內滿卽用石塞戶以鐵錮之其後雖成
其志未滿其願以唐貞觀十三年奄化歸真門人導公
繼焉導公沒有儀公繼焉儀公沒有暹公繼焉暹公沒
有法公繼焉自琬至法凡五代焉不絕其志乃知自唐
已降不聞繼造 佛之言教將見其廢耶公一省其事
喟然有復興之嘆以具上事奏於 天朝我 聖宗皇

帝銳志武功留心釋典暨聞來奏深快宸衷乃委故瑜
伽大師法諱可元提點鑄修勘訛刊謬補缺續新釋文
墜而復興楚匠廢而復作琬師之志因此繼焉迨及我
興宗皇帝之紹位也孝敬恒專真空夙悟菲飲食致
豐於廟薦賤珠玉推重其法寶常念經碑數廣匠役程
遙藉檀施則歲久難爲費常住則力乏焉辦重熙七年
於是出御府錢委官吏付之歲析輕利俾供書經鑄碑
之價仍委郡牧相承提點自茲無分費常住無告藉檀
施以時繫年不暇鑄勒自太平七年至清寧三年中間
續鑄造到大般若經八十卷計碑二百四十條以全其

部也又鐫寫到大寶積經一部全一百二十卷計碑三百六十條以成四大部數也都摠合經碑二千七百三十條若夫攝九類四生歸真寂無餘者莫尊於大涅槃大乘頓教方廣真筌一句之內包法界一毛之中安刹土者莫出於大花嚴破有歸無垠相逐性作衆經之軌躡爲諸法之元宗者莫歸於大般若求佛智見入佛境界斷纏縛之愛心去執着之妄想者莫如於大寶積如是經典鐫之以石藏之以山四部畢脩壯矣哉亦釋門中天祿石渠也噫竹軋歿而佛聲寢靈山壞而法不作後數百年熾然興者豈非時有遇而教有緣乎清寧

三年五月十二日大寶積初成郡守蕭公諱惟平天子股肱法門墻墻下車之後以六條布政副聖上之倚毗退公之餘惟三寶留誠稟如來之付囑欣其遭遇寔謂寅緣乃請召余謂曰四大部經今續鐫畢見聞之下幸會攸難願製好辭以爲刊記余弓裘未襲苦塊居憂又以先父前剖是郡亦於經事私積願誠周任未遷遽嗟奄逝敢以順先父之願遵良牧之請罔愧辱蕪直以爲記大契丹清寧四年三月一日記

安國軍節度邢洺磁等州觀察處置等使崇祿大夫檢校太師左金吾衛上將軍使持節邢州諸軍事邢

金石考續卷一百五十三
四
州刺史知涿州軍州事兼管內巡檢安撫屯田勸農
等使兼御史大夫上柱國蘭陵郡開國公食邑三千
二百戶食實封參伯貳拾戶簡推平

漆水郡夫人耶律氏

西頭供奉官銀青崇祿大夫檢校國子祭酒兼監察

御史雲騎尉男佶

司徒娘子耶律氏

女小娘子三寶奴 孫女興哥

房山縣西南四十里有山曰白帶山生懋題草又曰

懋題山藏石經者千年矣故曰石經山亦曰小西天

云北齊南岳慧思大師慮東土藏教有毀滅時發願

刻石藏闕封岩壑中坐下靜琬法師承師付囑自隋

大業迄唐貞觀大涅槃經成其夜山吼主香樹三十

餘本六月水浮大木千株至山下構雲居寺馬唐明

皇第八妹金仙公主修之洪武二十六年又修之正

統九年又修之山上雷音洞高丈餘四壁刻經四柱

刻像前石有扉維以開閉几案瓶罇皆石臺有欄橫

與堂亘堂左洞二右洞三堂下洞二皆經唐及元代

有續刻經目列石幢人傳洞火龍所穿也山下左右

東峪寺西峪寺西峪寺後香樹林香樹生處也夢唐

菴唐夢堂師居處也林後琬公塔也山多石碑二隋碑一仁壽元年王臣暕碑一仁壽元年王邵碑五唐碑一開元十年梁高望碑一開元十五年王大悅碑一元和四年劉濟碑一景雲二年竇思道碑一太極元年王利貞碑二遼碑一趙尊仁碑即此碑也碑作遵仁一天慶八年沙門志才碑工元碑一至正元年賈志道碑一至正二年釋法真碑帝京景物畧

魁題山椒楮垣聳立曰小西天山下即西峪雲居寺有塔二在寺北者曰北塔在寺南者曰南塔北塔下四角有唐時小石塔四旁刻銘額西北角者為景雲

二年竇思道書撰人名嵌入墻中不可考西南角者為太極二年王利貞文無書人名東北角者為開元十年梁高望書無撰人名東南角者為開元十五年王大悅撰無書人名燕都游覽志云王大悅撰并書誤也至小西天即石經洞洞寬廣如殿中供石佛四壁皆碑石疊砌即隋靜琬法師所刻佛經也字畫端好有歐褚楷法無一筆殊缺左壁兩層共碑三十六枚右壁三層亦三十六枚後壁三層共四十一枚前門左右壁及門頂共二十三枚總共一百四十六枚刻妙法蓮華等經後壁昏黑燭照始能辨其外又有

八小洞皆石窓錮閉鎔鉄灌樞自牕櫺闕之碑石或
卧或立時見一二大洞之右第一洞刻佛說恒水流
樹第經第二洞刻陀羅尼集等經大洞之左第一洞
刻令生歡喜名無垢等經第二洞刻金剛般若波羅
蜜等經其下有石井石井之左第一洞刻菩薩瓔珞
等經第二洞刻摩訶般若波羅蜜等經石井之右爲
伽藍殿殿右第一洞刻文殊師利普超三昧等經第
二洞刻千手千眼觀世音菩薩廣大圓滿無礙大悲
心陀羅尼等經大洞之左又有心經碑一金剛般若
波羅蜜經碑二伽藍殿旁又有金剛般若波羅蜜經

卧碑一餘碑林下不勝紀惟遼初續鐫四大部經一
記于刻石事頗詳今誌其畧于此記云東峰頂上有
石室七四大部經摠合經碑二千七百三十條云云
首云涿州白帶山雲居寺東峰續鐫四大部經記大
契丹清寧四年殿試進士趙遵仁撰考東都事略梁
王隆緒立年十二自稱天輔皇帝尊母燕燕爲承天
皇太后改大遼爲大契丹國又云治平二年洪基改
元曰咸寧二年改國號大遼按隆緒卽聖宗洪基卽
道宗是聖宗初立之年至道宗咸寧元年皆稱大契
丹國也但聖宗初立之次年卽改元統和而東都事

略則云立八年始改統和道宗卽位卽改清寧清寧
之十一年改元咸雍並無咸寧之號東都事略于道
宗初年失載清寧此又以咸雍爲咸寧誤矣遼史于
太宗紀大同元年稱建國大遼于聖宗紀不載稱大
契丹于道宗紀不載復稱大遼頗爲疎漏此碑稱大
契丹清寧四年益見東都事略之有據余舊有汪退
谷所書唐人題雲居山寺詩三章首爲范陽縣丞吉
逾作詩云到此花宮裏觀身火宅中有爲皆是幻何
事不成空晚籟鳴寒谷秋山響暮鐘欲歸林下路新
月上前峰次爲軒轅偉作詩云不着登山屐捫蘿也
上躋石梁分鳥道苔逕過雲霓梵宇干花裏秋聲萬
籟齊周遊興未盡鐘磬度前溪次爲吉駒駮作逾從
子也詩云石室最高峰攀躋到此中白雲連晚翠清
磬度秋風未悟無生理寧知有想空且歸山下寺還
欲問支公汪跋云此三詩今在房山縣石經山全唐
詩未收特爲錄之子旣閱石經洞諸碑三詩竟未之
見石井二又大石井十俯視深遠僧云鑿井時以斗
米易斗石始成有唐大中六年碑略記鑿井事碑陽
卽元和四年涿鹿山石經堂記幽州盧龍節度支度
營田觀察處置等使開府儀同三司檢校司徒兼侍

中彭城郡王上柱國劉濟撰又尋觀音洞約三里許
再上卽曝經臺唐碑一年月已模糊尋別逕下山游
香樹菴菴在雲居寺左有金泰和二年廣公禪師塔
記還寺至南塔下小石塔一刻大遼涿州涿鹿山雲
居寺續秘藏石經記懋題沙門志才撰後有石經目
錄天慶八年戊戌五月建志才文已載入日下舊聞
惟目錄未載二十一日曉行寺左右蔬圃中于右得
元至正二年釋法禎碑帝京景物畧作法正誤于左
得遼統和乙巳王正碑正邑人鄭熙書并篆額碑左
又有大唐涿鹿山雲居寺新鐘記碑剝落殆盡撰人

年月無考

查禮懋題上方
二山紀遊集

按白帶山漢書地理志清河郡有懋題縣顏師古
注懋古莎字雲居寺在白帶山西峪石經在小西
天石洞中四大部者一曰涅槃部一曰華嚴部一
曰般若部一曰寶積部其說查恂叔紀遊集已言
之詳矣碑記云太平七年故樞密直學士韓公諱
紹芳知牧是州暇遊是山見石室經碑且多皆沙
門靜琬於隋大業中所造奏於天朝出御府錢歲
析輕利俾供書經鑄碑之價自太平七年至清寧
三年續鑄造成四大部數清寧三年五月十二日

大寶積初成郡守蕭公惟平召余製辭刊記按遼
史傳韓延徽幽州安次人孫紹勳紹芳紹芳重熙
間叅知政事加兼侍中出爲廣德軍節度使卒遼
史地理志乾州廣德軍上節度本漢無慮縣地聖
宗統和三年置以奉景宗乾陵傳載紹芳之爲廣
德節度在重熙以後而不載其太平七年知牧是
州郡守蕭惟平史無傳蕭作蕭借用字結銜稱崇
祿大夫史百官志不詳官階崇祿之階無攷未載
其男佶之婦爲司徒娘子亦未詳撰者殿試進士
趙遵仁其父前剖是郡亦不知其名史無選舉志
惟於禮志嘉儀下載進士接見儀進士賜等甲勅
儀進士賜章服儀三條而不詳殿試之制遼本紀
聖宗諱隆緒母蕭氏小字燕燕乾寧四年九月癸
丑卽位統和元年六月甲午上皇太后尊號曰承
天皇太后群臣上皇帝尊號曰天輔皇帝與東都
事畧合

賜臺山清水院藏經記

裴本高廣行字皆不計
正書在京師大覺寺

賜臺山清水院創造藏經記

燕京天王寺文英大德賜紫沙門志延撰

金石錄卷一百五十三
鄉貢進士李克忠書

賜臺山者薊壤之名峯清水院者幽都之勝槩山之名傳諸前古院之興止於近代將構勝緣旋逢信士今優婆塞南陽鄧公從貴善根生得淨行日嚴咸雍四年三月捨錢三十萬葺諸僧舍又五十萬募同志印大藏經凡五百七十九帙創內外藏而龕措之葺事既周求爲之記聊叙勝因俾信來裔

咸雍四年歲次戊申三月癸酉朔四日丙子記

燕京右街檢校太保大卿沙門覺苑

通天門外供御石匠曹辯鐫

按清水院在京城西七十里距圓明園三十餘里宛平縣所屬山半有泉下注如垂紳至山麓則有龍潭以瀦之山側有鷓鴣谷見明王嘉謨薊邱集今無攷矣清水院之額始于遼而沿于金帝京景物畧載金章宗有八院此其一也後易名靈泉明宣宗宣德三年建寺更額大覺今仍之寺中穹碑易見者惟明碑兩面刻宣宗英宗御製文此碑在寺內龍王堂遊蹟所不到故傳搨絕少乾隆戊戌九月二十七日昶從寒蕪落葉堆中搜得之摩挲雜誦回環數四因歎北方石刻可証遼金史者

甚夥惜無好事者搜抉出之也碑額書奉爲太后
皇帝萬壽大王千秋皇帝卽道宗太后則道宗母
仁懿皇后蕭氏也遼史傳蕭氏小字撻里興宗后
道宗卽位尊爲皇太后清寧二年上尊號曰慈懿
仁和文惠孝敬廣愛宗天皇太后大王者遼百官
志初名夷離革太宗會同二年改稱大王有南北
二院皆分掌部族軍民之政謂之知大王事道宗
紀咸雍二年三月以東北路詳穩耶律韓福奴爲
北院大王三年十二月以東北路詳穩高八爲南
院大王以臆度之燕京當爲南院所屬所稱大王

或卽高八也碑云暘臺山者薊壤之名峯清水勝
者幽都之勝槩薊壤卽薊縣唐建中二年析薊縣
置幽都縣遼開泰元年改幽都爲宛平碑蓋從今
稱也遼地理志玉河縣本泉山地劉仁恭於大安
山創宮觀師煉丹羽化之術于方士王若訥因割
薊縣分置以供給之在京西四十里遼之薊縣改
名析津今爲大興遼之玉河析宛平地置而云割
薊縣者當由兩縣犬牙相錯之地也志明云在京
西今之順天府遼爲南京析津府遼言京西正與
今同則清水院似在玉河縣地今山左右尙有南

安窠北安窠之名或即遼志所謂大安山之南北也鄧從貴為南安窠村人所居近清水院也檢畿輔通志建置沿革不載玉河山川內不載陽臺山朱氏日下舊聞不載志延藏經記皆失之疎畧因詳識之碑末沙門覺苑結銜稱檢校太保大卿大卿之稱金百官志無攷

行滿寺尼惠照建陀羅尼幢并記

幢高六尺六寸八面其第一第三第五第七四面而廣九寸七分或九寸八分餘四面廣六寸八分或六寸九分除窠後一面四行皆刻人名不第外共計大字二十九行行三十一字正書在京師唐開元三朝灌頂國師和尚□□□□□□開府儀

同□□□□□食邑三千戶食實封三百戶□□□

□□□□□□□□□□寺三藏沙門□□譯

佛說佛頂尊勝陀羅尼咒

文不錄

觀自在菩薩如意輪陀羅尼咒

文不錄

法念相真言

文不錄

大吉祥大興一切順陀羅尼咒

文不錄

受戒弟子優婆塞范陽王□□製文

噫尊莫尊于師長重若重于君親義本在三思

無與二况華昨承法雨潤未離身俱想戒

雷聲猶在耳痛舊山而忽隱毫相驚新塔而已外

氈依差無化火之能恨不異雲而從今但壇哀座
下投淚庵前求 道瘞之明則梁本其壞思 法

息之報則昊天罔極其不可已當如之何迺建妙撞上
利密印託難思之句義變無盡之光明穢增 聖道

之緣兼塞妄情之戀願於北地開 天眼以照臨不
捨下根運 神力而加被用鵲信手直至道場期此

消塵少報萬一

維大康元年歲次乙卯七月辛酉朔二十四日甲申

庚時建

門人傳三戒法大德講經論賜紫沙門裕口

講經律論沙門裕景 講經律論沙門裕英

口口大德講經律論沙門裕口 口口大德講論賜

紫沙門裕口 業論沙門裕口 裕淨 裕正 裕

口 裕口 裕世 裕顯 裕轉 裕振 裕權

裕口 裕徵

口口口口口口口口口口上座口行大德沙門

口口

建幢施主行滿寺講經律論尼惠照 悟寂院傳大

教尼志覺 趙文保 妻張氏 男士林 士章

士英 出家男口口男口式孫男稅金奴孫女師

□□ 娘□女 □□□氏 □□王氏 何惟□

妻張氏 男何年 新婦□氏 孫蓮兒

涿州博陵郡石匠邵文景成造

按此幢前刻佛頂尊勝陀羅尼咒次刻如意輪陀羅尼咒次刻大吉祥大典一切順陀羅尼咒後列范陽王□□記泐其名又列沙門等名內裕淨裕正裕世裕顯裕轉裕振裕權裕徵名與下幢同此幢大德講論賜紫沙門泐其名當是裕仁裕正下泐二人名當是裕祥裕諦並据下幢證之記內氈依當卽瞻依借用字求道瘞泛明當是求道瘞之

明別體字

京西戒壇寺陀羅尼幢并記

幢高六尺二寸五分八面其第一第三第五面面廣八寸九分各五行第二第六面廣六寸九分第四面廣六寸七分各四行以上共二十七行行皆三十七字其七面廣九寸四分第八面廣六寸六分此二面一八行一六行刻沙門及邑人姓名字數每行五十八至九十五不等正書記行書在京師

唐開元三朝灌頂法師和尚三藏沙門 奉詔譯

聖于手于眼觀自在菩薩摩訶薩廣大圓滿無礙大悲

心密言

文不錄

佛說寶篋印真言

文不錄

於戲道尊德貴自古而然生榮死哀□□能致惟感

人之深者則報禮之重焉伏自 我故壇主大師能
 事既周化緣忽盡四生孺慕號咷如喪於所天七眾
 心摧擗踊疑無於厚地雖寶棺備禮口氈送終尙增
 難捨之哀莫抑無窮之戀遂當遺塔前建勝幢仰憑
 佛印之大威上蒼 慈雲之巨蔭庶茲塵影俱變
 光明嚴因地而速見法身滿果海而長為佛事今德
 滋等共思追遠所集至微豈能必報深恩聊用表其
 誠意

維大康三季歲次丁巳三月辛亥朔十四日甲子坤
 時建

奉為 故壇主崇祿大夫守司空傳菩薩戒大師持

建法幢記 門人傳戒大師講經律論賜紫沙門裕

經 三學寺經法師詮圓大德講經律論沙門裕貴

□□大德講經律論賜紫沙門裕林 淨戒大德

講經律論沙門裕文 通淨大德講經律論賜紫沙

門裕仁 講經律論沙門裕和 業論沙門裕淨

裕正 裕祥 裕蒞 裕世 裕顯 裕轉 裕振

裕權 裕口 裕徵

寺主□□大德講經律論賜紫沙門裕依 當寺圓

通大德賜紫沙門裕住

崇國寺大堯率邑 邑人前管內左街僧錄淨慧大

師賜紫沙門裕方 邑人前東京管內僧錄詮論大

師賜紫沙門裕企 邑人提點張口恒 邑長康德

從 邑證石王 邑錄邢文正

邑人陳口正 邑人康卞 邑人口從口 邑人口

景 邑人楊士口 邑人口口 邑人口貴 邑人

口從諒 邑人王惟口口 口勾當邑人口口

邑人高詮

邑人判官陳口口 邑人口口 邑人楊口 邑人

范口 邑人口口口口 邑人馬口 邑人李口口

邑人劉口 邑人平口 邑人陳口 邑人王口

邑人孫口 邑人張鞏 邑人張珪 邑人賈口

邑人孫文式

邑人王口口 邑人李口 邑人周口 邑人賈口

口 邑人齊口 邑人張口口 邑人口口口口 邑

人趙口口 邑人揚口 邑人李口口 邑人祁口

口 邑人劉口口 邑人魏口口 邑人吳延口

邑人劉守素 邑人劉化 邑人高文智 邑人劉

俊 邑人郭善

邑人王 邑人郭口 邑人石口 邑人李口

邑人劉口 邑人張文口 邑人張文口 邑人張

口口 邑人李口 邑人李口 邑人孫惟辛 邑

人張口口 邑人張口口 邑人張口口 邑人李

諫 邑人劉口 邑人李從一 邑人王守口 邑

人段德

邑人劉口口 邑人趙口 邑人王口 邑人陳口

邑人朱口 邑人劉口 邑人杜口 邑人田口口

邑人李口 邑人鄭口 邑人馬口 邑人傅文

口 邑人賀從令 邑人孟日辛 邑人王亨口 邑

人曹德方 邑人胡德義 邑人郭德 邑人李文

秀

邑人王口 邑人王口 邑人李口 邑人王元

邑人齊口 邑人齊口 邑人梁口 邑人張口

邑人王口口 邑人孫口 邑人董口口 邑人李

口 邑人大口寧 邑人李口口 邑人齊口口

邑人口昇 邑人郝善 邑人口惟進 邑人李德

方

邑人口口 邑人口口 邑人口口 邑人田口

邑人王口口 邑人陳口 邑人趙口口 邑人劉

口 邑人口維正 邑人陳口口 邑人劉文口

邑人魏慶 邑人王□□ 邑人曹□□ 邑人齊

□□ 邑人李從正 邑人李用 邑人楊從正

成深□子人張德正端□

邑人故邑長王□□ 邑人故舉事高□□ 邑人

高□□ 邑人業鄉貢進士□□ 邑人成守□

邑人□□ 邑人邊德均 邑人馮□ 邑人韓□

邑人張□ 邑人劉進 邑人陳□ 邑人康□

□□□□

書幢文人三司書表康□

按此幢前刻大悲心密言次刻寶篋印真言文皆與今

本多後記不詳撰者何人記稱幢為故壇主大師

而作壇主結銜但曰崇祿大夫守司空傳菩薩戒

大師而不詳其名號後列門人寺主等十九人內

裕淨裕正裕世裕顯裕轉裕振裕權裕徵名與隨

羅尼幢同又列邑人道俗一百四十二人書幢人

康□一人幢建於大康三年大康為道宗紀元下

署甲子坤時建坤時疑即申時或當時書體多借

用字此蓋借坤為申也然隨羅尼幢署甲申庚時

建則用幹不用支此幢之建與前祇隔三年似同

一例不應作申殊不可臆斷

憫忠寺石函題名

石函共四面橫廣二尺九寸高二尺五寸統計七十四行字數二十至三十一不等正書在大興縣

大遼燕京大憫忠寺紫褐師德大衆等

天水嚴甫書

故燕京管內懺悔師鈔主崇祿大夫守司徒慈智大師

賜紫沙門覺晟

故懺悔主燕京管內左右街都僧錄崇祿大夫守司徒

聰辯大師賜紫沙門善製

口燕京管內左右街僧錄提點宏法竹林惣覺大師賜

紫沙門惟道

口燕京管內左街僧錄判官寶集講主覺智大師賜

紫沙門文傑

華嚴講主通法大德賜紫沙門蘊口

講神變口辯慧大德賜紫沙門蘊潛

講經論文範大德賜紫沙門義徽

講經論演奧大德賜紫沙門義霑

講經論慈智大德賜紫沙門惟軫

講經詮微大德賜紫沙門義融

前校勘法師證教大德賜紫沙門蘊寂

三學論主辯正大德義景

寺主兼寶塔主沙門溥滋

尚座沙門惟常

都維那沙門智印

閣主沙門文螢

閣主沙門道義

殿主沙門智棟

藏主法藏大德文該

太子殿主沙門省純

東塔主沙門善祥

西塔主沙門通潤

□□ □□ □□ 栖及 崇杲 允的 思雨

廣深 惟顛 歸仁 □□ 道存 昭信 允祥

志操 淨慧大德悟景 義樞 法才 思行 道口

仁峭 善超 智行大德惟整 崇忍 文矐 文式

崇均 智敏 □□ □□ 法興 文存 從福

瓊滋 道遷 志深 文瞻 覺忍 □□大德文惠

惟瞻 嚴護大德文峭 善通 道遠 義琛 智矩

溥津 □□ 思悟 法實 義辛 覺恒 志俤

文迪 文定 善崇 寧進 □惠 思澄 思整

志備 文照 文備 法詮 惟換 從因 文思

口表 瓊般 崇秘 智遠 行奇 道辛 文偲

文揔 文寂 惟曉 口措 善堪 惟謙 文暉

文蹟 師遵 法昧 令宿 總提大德元操梵書

口口 蘊銳 鮮祐 德俊 戒懿 義表 法遵

圓興 仁英 文倩 口祥 悟口 文安 瓊積

方敬 思歧 蘊肅 道祥 蘊奇 蘊碧 凝元

智遍 文勢 文迥 紹極 師戒 善壇 法舟

覺初 法干 口因 智精 善鏡 法信 善巧

義潛 崇諦 行寂 方智 方諫 口口 口口

口口 口口 道夔 義竦 文偉 師哲 思憇

瓊白 口口 文倩 惠愷 法照 義聰 方允

令祥 運舟 行蘊 方溫 口口 文遜 義卞

運初 文鮮 遵裕 文聘 義散 圓述 義稽

口琮 文儂 道泉 悟了 道涓 道殊 了非

道暹 融侶 圓瓊 口口 法口 義存 悟元

圓坳 裕達 智燈 文昱 方迎 文諦 口口

思非 圓徹 義存 溥濁 道奇 從訓 圓勗

戒企 文循 師口 諦延 行確 思齊 文亶

方運 義澄 道永 方省 弃塵 口口 鮮曦

令宵 義敷 圓揆 文端 蘊迪 師偉 思宏

金石錄卷一百五十三

三

道逾 口瓊 諦達 智淵 方村 義貞 云敷

了名 師延 戒琮 圓宗 口融 智微 遵行

令珪 義泉 道炳 圓琛 覺或 善安 士謹

口口 遵儀 了忠 省謙 惠瑕 思惠 蘊穆

圓湛 義宣 圓性 口口 方桂 圓心 口煜

悟直 文演 義澄 融徹 裕著 融性 口口

文儼 志殊 圓盖 言遜 義達 智照大德蘊孚

義性 義賢 口口 道如 圓全 裕勳 圓燈

圓成 圓幽 鮮景 恒殊 文廣 口口 圓深

瓊勗 圓翌 義深 崇彥 覺性 瓊彥 師訓

思冲 口口 裕遍 師證 令矩 師賢 悟儔

宗正 鮮凝 圓智 悟圓 口口 口口 方戒

行灌 行本 省微 師映 瓊潤 融鮮

口口 智如 融昶 圓英 口口 口口 智穎

融智 行蓮 鮮詠 口口 融鮮 圓吉 蘊如

詮口 口口 口口 詮睿 行果 圓求 口口

圓修 義俊 善旻 惠雲 義口 智幽 義元

蘊謙 行彛 口口 志裕 義隆 行充 裕良

即均 志固 義冲 融口 方榮 口口 圓相

運慈 道冲 遵止 志誠 覺冲 義窺 道口

瓊行

□□□□勤□共二百四十人內六十人講流

誦法華經一百三十人

故蓋閣都作頭右承制銀青崇祿大夫兼監察御史

武騎尉康日永

蓋殿寶塔都作頭右承制銀青崇祿大夫兼監察御

史武騎尉姪敏

前閣主法資

舍利一十二粒銀鶻餅內圓性

新添佛事諸物等

小金餅一崇國寺樞大師施

銀觀音菩薩一尊當寺通法大師施并諸餘口物有

碣子

銀塔一坐當寺竦座主施

玉錢一韓家小娘子施

銀淨瓶一內有舍利九粒 銀錢一 火鏡兒一

火珠一 珠子藥袋十已上物于齡院尼寺主守因

施

金結裘一 勃海珠子兩個 珊瑚一 玻璃一

水晶垂頭一 花銀錢二 玉羊兒一 玉狗兒一

玉夾板墜子一副 玉墜子一 玉弼口一 銅

狗兒一 銀釵子一 玉匣兒一 銀餅一 龍腦

兩斤 舍利五百粒在藥玉餅內 鋤石淨餅一

鋤石匙筋一 小金剛子數珠一串上有珠子一十

五个玉錢十金楞玉滴子一對尼雲開施

口合一內有舍利十百餘粒仙露寺尼端正施

當寺蘊謙施羹餅一內舍利伍粒

制置同知夫人施銀筒子一內舍利三十粒

閣殿砌匠作頭蔡惟亨 世干

太原王惟約刻

憫忠寺內戒壇前有遼幢一乃為寺尼薦福刻者幢

後置有石函一函四周刻字首行標題大遼燕京大

憫忠寺紫褐師德大眾等次書覺晟等四人以下駢

書諸僧名凡三百七十人又書康日永等三人天水

嚴甫書太原王惟約刻最後刻布施諸物石函不記

年號相傳為緘舍利用者其舍利等則不可考矣 欽

定日下
舊聞考

按石函題名不紀年號題稱大遼燕京大憫忠寺

前有賜紫沙門善製與下碑舍利函記之功德主

同名下碑為大安十年則此碑當與同時矣題稱

紫衣爲紫褐劫見此碑其僧職有曰懺悔師鈔主
有曰懺悔主亦他碑所未見後列職官二人曰蓋
閣都作頭曰蓋殿寶塔都作頭似係修寺時權宜
設置之官也石函多紀施舍利之事其藏器有銀
鶻餅小金餅銀淨瓶藥玉瓶鍤石淨餅銀筒子其
增飾諸器者有玉錢銀錢花銀錢火鏡火珠勃海
珠珊瑚玻璃金結裘水晶垂頭玉羊王猗玉墜子
玉彌銅狗銀釵玉匣龍腦鍤石匙筋此外有銀觀
音菩薩一尊銀塔一坐小金剛子數珠一串金楞
玉滴子一對裘似與球通用垂頭似與墜頭通用
猗字見韻會本作狗字鍤石見玉篇鍤石似金格
古要論云自然銅之精也据此所紀想見當時物
力饒裕故所施之美麗如此

懺忠寺舍利函記

石高廣俱二尺五寸十六行行
十七字正書在京師懺忠寺

燕京大懺忠寺觀音菩薩地宮舍利函記

門人義中書

恭聞應物爲現利樂無窮者大聖觀音有感克從功德
叵測者靈蹤舍利金言所載寶牒攸存善製肇紉巨社
會萬人金玉之資欲滿宿心塑百尺水月之像將圓寶

相先實地宮化檀那近百千家獲舍利餘一萬粒封以金匱貯以石函圓淨璨然寔爲神異所異光徹無間之獄福洽有頂之天良因不虛巨利斯在上願

我國家二儀齊於聖壽兩耀等於文明三寶長隆四方永肅八難除十四種之怖畏四生見三十二應之威神獲圓通之法門願大作於佛事

大安十年歲次甲戌閏四月辛未朔二十二日壬辰甲時

功德主燕京管內左右街都僧錄崇祿大夫檢校太師行鴻臚卿聰辯大師賜紫沙門善製

帝京景物略云寺中一碑下半斷裂可讀者其上段字有燕京大憫忠寺觀音地宮舍利函記金大安十年沙門善製按是碑文字悉完未嘗斷裂末云大安十年歲次甲戌閏四月辛未朔二十二日壬辰申時

功德主燕京管內左右街都僧錄崇祿大夫檢校太師行鴻臚卿聰辯大師賜紫沙門善製門人義中書

日下舊聞

碑所稱大安十年乃遼道宗年號帝京景物畧目爲金時物蓋金衛紹王亦改元大安因致誤耳考金衛紹王稱大安者祇三年此云十年可知其非金大安

矣其撰文之僧名又見前所載遼時石函上蓋同時

物也 欽定日下舊聞考

涿州雲居寺續秘藏石經塔記

幢約高五尺八面面廣八寸七分至九分不等前四面皆五行行卅四字後三面皆七行行四十字其第五面六行二行屬前四行屬後正書在房山縣

大遼涿州涿鹿山雲居寺續秘藏石經塔記

懋題沙門志才撰

古之碑者用木為之乃葬祭饗聘之際所植一大木而字从石者取其堅而久也後人銘功其上不忍去之自秦漢已降生而有功德政事者亦碑之欲圖不朽易之

以石雖失其本從來所尚不可廢焉噫秦梵書後聖人

經典多刻貞石亦類碑而已矣且 浮圖經教來自

西國梵文貝葉此譯華言盡書竹帛或邪見而毀滅或

瀑水而漂溺或兵火而焚蕪或時久而蝨爛孰更印度

求請與由是教壞埋隱行亾果密群生蠢蠢盡陷苦途

實可悲夫 有隋沙門靜琬深慮此事厲志發願於

大業季中至涿鹿山以大藏經刻於貞珉藏諸山竇大

願不終而掩化門人導公儀公暹公法公師資相踵五

代造經亦未滿師願至 大遼雷公法師奏

聞聖宗皇帝賜普度壇利錢續而又造次

興宗皇帝賜錢又造相國楊公遵勗梁公穎奏

聞道宗皇帝賜錢造經四十七帙通前上石共計一百八十七帙已厝東峯七石室內見今大藏仍未及半有

故上人通理大師緇林秀出名實俱高教風一扇草偃八宏其餘德業具載寶峯本寺遺行碑中師因游茲山寓宿其寺慨石經未圓有續造之念興無緣慈爲不請友至大安九年正月一日遂於茲寺開放戒壇仕庶道俗入山受戒叵以數知海會之衆孰敢評之師之化緣寔亦次之方蓋暮春始得終罷所獲施錢乃萬餘雖付門人見右街僧錄通慧圓照大師善定校勘刻石

石類印板背面俱用鐫經兩紙至大安十年錢已費盡功且權止碑四千八十斤經四十四帙題名目錄具列如左未知後代更更繼之又有門人講經沙門善銳念先師遺風不能續扇經碑未藏或有殘壞遂與定師共議募功至天慶七年於寺內西南隅穿地爲穴

道宗皇帝所辦石經大碑一百八十斤通理大師所辦石經小碑四千八十斤皆藏瘞地穴之內上築臺砌甃建石塔一坐刻文標記知經所在晉蘇州重慶寺法華院石壁經請白樂天撰碑有水火不能燒漂風日不能搖消等文乃國手大才今命余作記口合抱慙閣

筆奈是善緣勉而直書

通理大師所辦石經小碑四千八十斤經四十四帙

大佛頂如來密因修證了義諸菩薩萬行首楞嚴經十

卷詩帙一 菩薩地持經十卷賢帙一 菩薩善戒經九卷

淨業障經一卷剋帙一 優婆塞戒經七卷梵網經二卷

受十口戒經一卷念帙一 菩薩瓔珞本業經二卷佛藏

經四卷菩薩善戒經一卷作帙一 菩薩內戒經一卷

優口塞五戒威儀經一卷大乘三聚懺悔經一卷菩薩

五法懺悔文一卷菩薩藏經一卷三曼陀毘陀羅菩薩

經一卷菩薩受齋經一卷舍利弗悔過經一卷文殊悔

過經一卷法律三昧經一卷十善業道經一卷聖帙一

大智度論一百卷十帙德建名立形端表正空谷十

地經論十二卷傳帙一 弥勒菩薩所問經論五卷大乘

寶積經論四卷寶髻菩薩四法經論一卷聲帙一 佛地

經論七卷金剛般若論二卷虛帙一 金剛般若波羅

密經破取著不壞假名論二卷文殊師利菩薩問菩提

經論二卷堂帙一 勝思惟梵天所問經論四卷涅槃論

一卷涅槃經本有今無偈論一卷遺教經論一卷三具

定經論一卷無量壽經論一卷轉法輪經論一卷習帙一

瑜伽師地論一百卷十帙 聽禍因惡積福緣善慶

尺 顯揚聖教論二十卷辟非二帙 瑜伽師地論釋一

卷顯揚聖教論頌一卷王法正理論一卷大乘阿毗達

磨集論七卷寶一帙 大乘阿毗達磨雜集論十六卷中

論四卷寸陰二帙 般若燈論釋十五卷十二門論一卷

十八空論一卷百論二卷廣百論本一卷是競二帙 大

乘廣百釋論十卷資一帙 成唯識論十卷盡一帙 大丈

夫論二卷入大乘論二卷大乘掌珍論二卷大乘五蘊

論一卷大乘廣五蘊論一卷大乘起信論一卷寶行王

正論一卷命一帙 摩訶衍論十卷寧一帙 大乘本生心

地觀經八卷壁一帙 大乘理趣六波羅蜜經十卷杜一帙

道宗皇帝所辦石經大碑一百八十斤 十住斷結經

碑五斤 花手經碑二十五斤 佛名經碑二十斤

大威德陀羅尼經碑二十八斤 摩訶摩耶經碑一斤

菩薩瓔珞經碑一十一斤 大法炬陀羅尼經碑三

十斤 五千五百佛名經碑一十三斤 不空絹口神

變真言經碑七斤 賢劫經碑一十八斤 入法界體

經碑一斤 須真太子經碑一斤 佛說德護長者經

碑二斤 超日明三昧經碑五斤 佛說浴像功德經

碑一斤 未曾有因緣經碑二斤 不思議功德諸佛

所護念經碑三斤 佛說成具光明定意經碑一斤

佛說妙法決定業障經碑一序
佛說寶網經碑一序
過去莊嚴劫千佛名經碑二序
未來星宿劫千佛名經碑一序
見在賢劫千佛名經碑二序

天慶八年戊戌朔五月戊午十七日戊戌甲寅時建
燕臺沙門惟和書

夫見古之墓壙得銘石者其石溫潤其字分朗今經碑
穿地穴秘藏者取久固不毀者也
沙門志德鐫

當寺首座沙門志珂

寺主講論沙門志愨

尙座講經沙門善相

都和講經沙門志興

按此石經塔記卽帝京景物畧所載天慶八年沙

門志才碑是也記稱雲居寺石經遼時聖宗興宗

皆賜錢續造至是則道宗又賜錢造之而猶未圓

至大安九年十年兩次鑄經凡碑四千八十序經

四十四帙後列歷次辦經目錄每十卷爲一帙皆

標千字文爲號與今大藏同例碑建於天慶八年

戊戌朔五月戊午十七日戊戌甲寅時天慶爲天

祚紀元距遼之亡僅七年耳戊戌缺筆作戌六朝書

體如此天慶八年爲戊戌歲此云戊戌朔意不可

曉五月戊午不加朔字乃月建也下云十七日戊

戌甲寅時戊戌是日推其朔乃壬午不用朔而用

建又一例也

慈悲菴大德幢記

幢高五尺三寸八面各廣六寸二分四行每行
字數三十七八九不等正書在京師黑密廠

故慈智大德佛頂尊勝大悲隨羅尼幢

唐開元三朝灌頂國師和尚特進試鴻臚卿開府儀

同三司肅國公食邑二千戶實封三百戶贈司空謚

大辯正大廣智大興善寺三藏沙門不空奉 詔譯

講律論比丘德麟書

咒不錄

大遼燕京大憫忠寺故慈智大德幢記

師諱惟賑俗姓魏氏潯陰出陽人也卅歲禮憫忠寺守

淨上人落髮誦白蓮經遇息得度師志在雜花行依四

分其他典論有口力通後因遊方止于上都別創精藍

掛錫而住大安九年會門人覺智大師詔赴 闡庭因

遠 鞋聽乃特賜紫衣慈智之彌壽昌四年三月九日

因疾奄化于隄口講院至五年四月十三日葬于京東

先師坐側師行也以精進心口不退輪以勇健力搗無

畏鼓講說群經□□□讀雜花帝一百遍儀範所攝

惠用所誘貴高增慢因不欽伏其威重如是心行禪身

持律起居動息皆有常節雖牙寒隆暑風雨黑夜禮佛

誦經手不釋卷四十餘年凡十二時未嘗闕一其精進
如是師既疾烝四大將壞無戀着念無猷離想門弟子
饋藥數四師報之云色身終壞烏用是為言訖怡然就
化其了悟如是臨終之日暴風忽起晝如暗夜對面莫
觀泊師遷逝倏然乃止門人仰師之德感師之恩溼靈
骨於其下樹窻幢於其上欲存不朽以示將來時壽昌
五年歲次己卯四月十三日乙時記

門人管內左街僧錄判官覺智大師賜紫沙門文傑
門人叅元沙門文偉 法孫五人圓心 圓全

圓成 圓瑟 圓欽

按此幢前刻大悲陀羅尼咒比邱德麟書後刻幢
記不著撰者何人蓋為其師惟賑作也記云惟賑
潮陰田陽人遼史地理志潮陰縣屬南京析津府
本漢泉山之霍村鎮田陽地名無攷記作於道宗
壽隆五年己卯歲碑云壽昌者即壽隆也碑署年
月下云四月十三日乙時不用支而用幹與戒壇
寺陀羅尼幢同皆當時書碑之一例

金石萃編卷一百五十三終

金石萃編卷一百五十四

賜進士出身 誥授光祿大夫刑部右侍郎加七級王昶撰

金一

慈悲菴石幢

幢高一尺八寸四面各廣五寸二面四行行十二字
一行五字俱梵文一行六行行十八九字不等正
書在京師
黑窑廠

觀音菩薩甘露陀羅尼 文不錄

智炬如來心破地獄陀羅尼 文不錄

淨法界陀羅尼 文不錄

諦甘

守酣飲而歸時天會十二年歲次甲寅仲冬十有四日
尚書職方郎中黃應期

宥州刺史王圭从行奉命題

右譯前言

郎君稱皇弟無姓名天會十二年記當為太宗之弟
按金史世祖子十一人自康宗太祖太宗而外尚八
人未知誰是碑一字不能辨蓋女直字如是王元美
所錄明王慎德四夷咸賓八字正與此同法而此凡
一百五字后有譯書漢字字刻乾陵無字碑上石墨鐫華

此刻乾陵無字碑上攷天會九年金以陝西地賜齊
則其時地猶屬劉豫劉豫帝齊惟撻懶宋史作撻辣以左

監軍鎮撫之撻懶穆宗子也為太宗之弟文稱皇弟
而不著名合之史當即撻懶無疑關中金石記

右記文稱皇弟都統經畧郎君而不署名金石家或
以宗輔當之然宗輔乃太祖之子太宗之姪碑刻於
太宗時不當稱皇弟也或以撻懶當之攷金史紀傳
其時撻懶又不在陝西子謂此郎君蓋撒离喝也撒
离喝本金之宗室又為世祖養子則與太宗為昆弟
行宜有皇弟之稱李心傳建炎以來繫年要錄云紹

興元年即金天會九年十月宗弼為吳玠所敗自河東還燕

山左副元帥宗維即粘罕也金史作宗翰留宗弼在軍中更以

副統撒离曷與曷同為陝西經畧使此云都統經畧正

與繫年錄合蓋由副統遷都統也繫年錄又云婁宿

引兵來犯吳玠擊敗之撒离曷懼而泣金人因目為

啼哭郎君是撒离曷本有郎君之稱矣金史本傳不

載除都統經畧使殊為闕漏當依繫年錄及石刻補

之撒离曷今譯改為薩甲干云潛研堂金石文跋尾

按此碑前為女直書後有譯文女直書別無傳者

僅見此碑因摹錄之據譯文云獵于梁山之下至

唐乾陵乾陵乃唐高宗陵也長安志在奉天縣西

北五里梁山鄉丈八青仁控子三村界周八十里

有于闐國所進無字碑此記即刻于無字碑上奉

天縣者唐書地理志文明元年析醴泉始平好時

武功邠州之永壽五縣置以奉乾陵梁山即乾陵

所在在乾州北十里奉天縣北五里奉天縣至元

元年省入州後即為州治乾州志稱梁山高三百

七十四丈周九里廣二里正南兩峯並峙直北一

峯最高與九嶷五峯太白終南遙拱為一州大觀

孟子太王去邠踰梁山史記秦始皇三十五年幸

梁山宮皆即此梁山與禹貢治梁及岐毛詩奕奕

梁山自別彼梁山在雍州卽今同州府韓城縣蓋
前人已辨之矣皇弟不署名潛研跋考定爲撒离
喝其語甚嚴金史太宗紀天會十二年二月丁酉
撒离喝敗宋吳玠軍于固鎮碑卽以是年仲冬獵
梁山謁乾陵而記其事正相合矣然潛研謂撒离
曷有啼哭郎君之稱可据以證碑之稱郎君宋史
吳璘傳金又有鶻眼郎君以三千騎衝吳璘爲璘
所敗事在宋紹興十年爲金熙宗天眷三年要之
郎君乃金人貴臣之稱謂不獨撒离喝爲然

沂州府普照寺碑

碑不連額高一丈二尺廣四尺文二十四行
行六十二字正書篆額在沂州府城普照寺

前中口口口尙撰

集唐柳公權書

伊川口口擘篆額

琅邪之佛祠在郡治者凡六區其五爲毗尼其一爲禪
那今普照是也當子口之西南有口臺巋然出於城隅
臺之西復有廢池流潦口焉耆舊相傳臺曰曬書池曰
澤筆其地蓋東晉右將軍王羲之逸少故宅也昔晉祚
中缺元帝渡河臨沂諸王去亂南遷乃捨宅爲梵寺世
祀縣邇真偽莫考往歲嘗得斷碑於土中字雖漫滅尙

鬚髯可讀按招提復興之代實自後魏至有唐孝明皇帝卽位之九年始賜額曰開元宋崇寧初輔臣建言請詔天下每郡擇口口寺一更爲禪林遇皇上誕弥之月爲祈延景命之地制徭之郡以開元應選自是改稱天寧萬壽禪寺逮廢齊居攝專用苛政理國知衆不附尤狹中多忌凡浮屠老子之居曩日所嚴奉以祈福者一切口革遂易天寧之號榜以普照開元遺址因古臺爲基下偃闔闔棟宇偏口口口法中所當有者皆廢缺未備不稱寶坊之制歲在丁亥妙濟禪師覺海始來住持入院之四年乃議改作衆懼難成姑欲因陋經始之初

異論口起拱手旁觀待其自敗師志先定屹如山立終不可搖時奉國上將軍渤海高公名和式適守是邦與師昔於過去劫在無量佛所曾植宿因至是機緣會遇針芥相投公命首墮雉堞以達蔽阻又架石爲梁跨望月湖南臨廣路於指顧間已盡闢湫隘爲空曠之境矣復召百工授以成規自當陽聖位次及方丈下逮僮隸所偃息皆標立區所期盡新之益出資力往給經費且示苦忍降伏偷惰畚鍤斤斧所嚮輒以身先於是郡人感其誠莫不風靡遠方檀施亦破慳捨墮助作大緣憧憧往來相踵於路以故費用饒益魔失其便寒暑未幾

悉滿初願師又於大雄殿之北創立廣夏聚竺土所傳
調御所說五千四十八卷之經爲大轉輪藏發機於地
棲甌於輪鏤此岸旃檀諸香口須弥山及阿耨池八方
龍鬼出於光際各持金華視護法相諸天寶宮弥覆其
上——一天宮有諸寶欄楯——欄楯有諸寶天女執妙
音樂歌舞讚佛復有無數化身如來聖師子座爲百億
天衆放光顯瑞說無言法機輪——動聖凡出沒千變萬
化金碧相錯耀人心目如劫初時風激水口湧爲七珍
蓮華葳世界不可說宮殿次第口成微妙奇巧工告訖
帝師擇九月辛未集山東十八郡大長老洎傳戒宿德
建龍華會七晝夜以落其成幢蓋鍾鼓填溢衢市緇素
數萬人逖迓咸會覩是勝相皆讚歎隨喜請採石斲碑
紀述希有傳信無窮求文於中陶仲汝尚以記其事汝
尚曰先佛世尊口口口樹口口餘歲至東漢二業教流
震且訖於梁氏始宏闡有爲出口空術盡成名相我達
摩初祖自天竺西來救其末流俾涅槃妙心巍巍堂堂
猶星口月益光耀口像法自此天下之言禪者皆以明
道說理爲宗不泥教律惟師口口西蜀棄萬金之產來
爲沙門親近知識求無上道叅承咨決已得法要固當
高提祖印直指人心乃建塔廟嚴像設同二乘小果希

人天福報此禪流後學所以竊議致疑於師也然汝尙嘗聞師之言曰實除理地不受一塵佛事門中不捨一法吾以如幻三昧遊戲世間雖化大千盡爲佛刹其中寶供最勝第一種種具足吾之妙口未始有作也昔真際之住東院不聽大檀越動一口以廣其居是誠古佛用心然不可爲叢林法吾懼末世比丘喜虛誕者競爲大以欺佛遂有假如來衣竊信施食視法字之成壞若行路之過逆旅曾不介意或問其故輒謬曰古之人固如是也以至上兩旁風覆壓是虞乃挈鉢囊逡巡告去有如諸方建化率由此轍則寶莊嚴道場往往鞠爲茂草如來遺法其能久住世乎敢畏多言汝尙唯唯乃序寺之廢興緣起俾刻石以告來者時皇統四年十月二十日記

奉國上將軍行沂州防禦使事兼管內安撫使統押沂海路萬戶兵馬高召和式

沂州普照禪寺住持傳法賜紫口濟大師覺海立石
中陶口口口刊

撰文者爲仲汝文粗能其家言第三云寺故右軍王羲之捨宅者安右軍渡江時未十歲當是淮南公捨耳

沂州山人
四部稿

柳書露筋骨易於摹刻故雖自碑刻鉤勒來亦不甚
失金狄但知立碑集書者固中原人耳

書畫跋跋

唐文皇曠世雄才削平海內以其餘力恣意臨池其
臣又有率更永興輩共成之故能集書聖教師法干
秋自此而後集書未有及之者普照碑建自金源當
兵戈草昧之後有仲汝尚文頗盡致而集公權書方
整邁勁緊密處殊勝公權自書不啻與聖教共興碑
署仲汝羲刻疑集書即出其手不有君子其何能國
金之謂矣碑云寺是王右軍故宅未辨真偽而王元
美直以為淮南公捨是又增一妄也

石墨鐫華

文云子城之西南有臺巋然出城隅臺之西復有廢
池耆舊相傳臺曰曬書池曰澤筆其地蓋晉右將軍
王羲之逸少故宅予攷東觀餘論稱逸少以晉穆帝
升平五年卒而昔人又稱右軍三十三書蘭亭序右
軍年五十有九以永和九年年三十三推之當卒于
孝武太元四年二說不同按晉書謝安傳嘗與王羲
之登城悠然遐想有高世之志羲之謂曰夏禹勤王
手足胼胝文王旰食日不暇給今四郊多壘宜思自
效而虛談廢務浮文妨要恐非當今所宜安之得政
在寧康太元之際則太元初逸少尚存以為卒于升

平五年者誤矣永嘉之亂琅邪陷于劉石其時逸少
尚未生也安得有故宅在琅邪且有澤筆之池乎碑

文集柳誠懸書檀字右旁缺筆避金熙宗御諱也潛研

堂金石
文跋尾

武虛谷云右碑斷裂書撰人名氏僅有中尚二字可

辨案之文內所載知為中陶仲汝尚也于氏作齊乘

去金未遠其載此碑猶全後題銜奉國上將軍行沂

州防禦使事兼管內安撫使統押沂海路萬戶兵馬

高召和式即與覺海復葺此寺者也金史廢帝紀正

隆四年十二月乙卯以樞密副使張暉為尚書右丞

歸德尹致仕高召和式起為樞密副使又高彪傳

彪本名召和失辰州渤海人為武寧軍節度使頗黷

貨嘗坐賊海陵以其勲舊杖而釋之改沂州防禦使

以碑證之忻當作沂傳刻誤也其階奉國上將軍及

兼官傳皆遺之山左金
石志

長清靈巖寺寶公開堂疏

碑高六尺四寸五分廣三凡八寸五分十八行
行二十八字連額並正書在長清縣靈巖寺

徵事郎濟南府錄事夏綽書山門監事僧宗安立石

濟南府

今請靈巖禪寺

寶公長老開堂演法爲

國焚修祝延

聖壽者

竊以丈室駐錫便知祖道之興諸天雨花喜遇禪林之
伯判殺訛之公案舉最上之因緣不有能仁難安勝境
伏惟

寶公堂頭和尚早具鍛金之爐鞴妙傳出世之津梁枯
木寒灰宴坐於千峯影裏騰蛟起鳳進步於百尺竿頭
茲緣緇素之依歸有請

省廷而允可唱少林之曲調踞靈巖之道場信堂堂龍
象之姿赴肅肅人天之會曰雲堆裏不妨依舊經行碧
眼胡邊無惜斬新拈出永洪
睿筭廣震潮音謹疏

皇統九年八月一日疏

承事郎濟南府推官權判官李德恭

府判官闕

宣威將軍濟南府少尹完顏沒良虎

安遠大將軍同知濟南尹事南陽縣開國伯食邑七

百戶韓爲股

特進行濟南府尹上柱國鞏國公完顏篤化叔

李彥刊字

右碑額題開堂疏三字橫列徑四寸疏文後年月下有印方一寸八分文曰濟南府印後列銜五人內府

判官關餘人皆未載府志

山左金石志

按長清縣別有寶公禪師塔銘文見山左金石志彼碑下截損闕不知寶公之名上一字為何也但

稱師姓武氏相州里人靈巖虛席府尹韓公為股

運使康公淵保申行省云云即此疏所云有請省

廷而允可也韓為股塔銘稱府尹此碑作同知尹

事蓋塔銘刻於大定十四年在此碑之後由同知

而升授正尹矣

浦公禪師塔記

石連額高二尺三寸廣二尺六分二十一行行三十字額題故浦公禪師塔銘並正書在耀州

前口口十方妙德禪院浦公禪師塔記

登仕郎口口陽府口口口口撰

登仕郎耀州司候温口書

師諱善浦京兆城東人也俗姓馮氏五代宰相可道六

世孫母祿氏夜口口口口光貫曾覺而有妊祿氏心許

出家師既生天資醇厚始絕乳弗喜口口口口口京

兆卧龍禪院主僧惠初為師克勤持誦至二十三歲試

經削□□□□□□□□僧者本欲越愛河登彼岸豈反
 脩飾人事趨竟齋供如蠶自縛□□□□□□十餘年
 間雲門雪峯一皆參歷及再歸依香嚴謹禪師□□□
 □公□□□□□□□□孟嘗門下新添劍客首座進曰鑽
 錫未用利鈍焉知公曰伯□□□□□□是知音者若善
 滿□開正眼了見根□但□欲傳非子不可翌日□□
 □法時宋宣和元年董待制知府事請師□脩聖壽自
 是之後或住天□或居□□爰經兵火歷更數郡禪刹
 至皇統三年知耀州李寧遠以妙德珂□告□□□其
 人一日幕屬以師舉之公欣然具禮就京兆還居妙德
 開堂之後郡中□□□□可其志者或勸師以女眾為言
 師曰雲房無鎖鑰□莫惹塵埃□是妙□□□僧少造
 其室者惟師自處寂無纖翳不半載閭閻父老雲集座
 下師□□□□□脩葺堂殿表裏一新殊未常化人以
 施財為念惟是郡民之誠持□□□□□□而□□門人
 一名曰覺道至天德二年忽感疾於當年二月十三日
 □□□□□□皆侍左右師曰大丈夫當去住分明及
 午刻師遂整衣命筆□□□□云清風自清風明月自
 明月白雲消散後老僧無可說付以覺道結跏而化享
 年六十有六僧蠟四十有四當月十五日覺道舉師喪

金不孝統卷三百五十四

三

葬于華原縣流口鄉待賓村宋家庄而起塔焉工告畢
覺道煇茗為余曰先師自提祖印六座道場今既歿忍
以平昔之善與草木俱腐欲書之堅石以示後學一以
口和尚之美一以表覺道之誠可乎余既哀其誠又惜
其善何辭以讓因書其實而繫之以銘云

嗚呼浦公 摸範禪叢 雲門雪竇 正眼皆同 久

提祖印 開鑿自聳 今其何在 明月清風

承事郎充耀州軍事判官王口立石

參學善友劉深 无真 劉本口 李口口 彦徐

口王本顯 張本口 口本唐 辛草 樊本淨

張本因 勇本檜 安本曇 史本暉 口口 王

本口 口本口 雷本口 楊本發 党本口 秦

典 劉本省 陳本復 口本近 同本言 李本

應 黃本口 王本口 口本口 姜本兆 張氏

劉臯 謝勝 劉本浩 惠本性 本見

施墳地弟子曹本仁 曹口口 王口 公孫本

有 口觀李自然 李本脩 秦本震 馬立 王

本玉 會育郭本廸等 小師 僧

承事郎充耀州軍事判官口口

按碑題妙德禪院稽之陝西通志寺觀卷已無考

文稱師諱善浦俗姓馮氏五代宰相可道六世孫
 母祿氏可道即馮道之字碑叙其先世不稱名而
 稱字又一例也薛五代史道有六子平吉某某祿義正此善浦不知為何人之裔
 姓出于紂子祿公之後然從無一人入史傳者則
 其姓亦希矣碑以僧蠟為僧臘恐是筆誤

京兆府重修府學記

碑高六尺七寸六分廣二尺九寸五分三十分行行七十字正書篆額在西安府學

三代之治莫隆於周藹藹王多吉士維君子使媚于天子
 後世追仰風猷常嘆其不及者何耶非世態淳於前而
 而堯於後也非人物興於古而衰於今也蓋以庠序學校
 之設成於當時者備涵濡長養之方盡於其道也久
 故教化有所格器質有所就而賢人衆多能為邦家立
 太平之基矣豈以堯淳興衰有前後古今之異哉晚周
 東駕王室衰微 吾夫子患聖人之道熄刪詩書

定禮樂讚易道述春秋皇皇然轍環天下歷聘諸國以
 微言大義垂世立教授三千之徒於洙泗之間祖述堯
 舜憲章文武斬帝王之道坦明於時俾民受其賜於萬
 世之後嗚呼其念天下後世之重如此至於嘆鳳鳥之
 不至泣麟出之非時豈獨為一身而已哉暨乎夢奠兩
 楹異端並起繼以秦焚漢濫得燬燼之餘者不絕如綫

當是時也微

吾夫子之道其誰與歸斯所以明

君哲后有意帝王之治者莫不詔郡縣立學春秋享

先聖先師于廟焉京兆舊學在府城之坤維地非

允彞前宋崇寧二年命郡縣建學以賓興賢能府帥樞

密直學士虞公策承命詣學謂諸生曰魯修泮宮有思

樂泮水薄采其芹之頌是知泮水夙育人材也今府城

之東南隅水易就下地且文明欲改卜其處可乎諸生

怡然曰諾乃範湖州規製經營建立廟學之成總五百

楹宏模廓度冠偉一時水濶木陰清冷懋鬱儒衣冠而

入者日不啻千人弦誦之聲洞澈霄漢厥後學古入官

貢名于桂籍登書于天府者未斬一二數也自罹兵草

殘毀幾盡貞元乙亥歲河間韓公希甫亞尹京兆

視事之三日謁奠于公文宣王酌獻禮畢見諸生

於學喟然嘆曰我公國家經文緯武進用賢能每

三歲設科以繇史取士鄉升之府府升之朝而

皇帝臨軒賦業見賢焉然後用之誠夸越朝而

之制也謹按尚書省批送禮部節文應有

宣聖廟去處即便修整今此廟兒傾圮鬻宇頽弊何以

仰副明天子作成之意遂即議於府尹完

顏公胡女遵奉朝廷之命鳩工計役拾墮瓦於

廢基掄堅材于壞屋新寢祠而重儼像剏脩廊而繪列
 賢師儒講誦之有堂生員居處之有廬以至齋祭之室
 庖廂之所各有其序補苴罅漏剔穢治蕪期年而成
 韓公又出已俸重修祭器俎豆之屬大率皆備乃延
 諸生入學隸業仍與某漕使李公同知張公同副
 運周公同暨諸幕屬共議申勅某朝廷養士著令
 具饌焉繼而某府推張公同下車提領教綱力贊
 其務而又某府判畢公棣入幕之初首督斯舉能事
 於是畢矣學正來昌國帥其徒請記於棗棗以鄙陋少
 文屢辭屢屬牢不可讓且告之曰在昔宗周作都豐鎬

人材萃出一本於學故詩人謂文王曰於樂辟靡謂武

王曰鎬京辟靡以至世之不顯厥猶翼翼思皇多士生

此王國王國克生維周之楨濟濟多士文王以寧且京

兆處宗周之域被文武之化薰陶漸漬數千百載之後

風聲氣俗宜乎不改今某諸公克承朝廷美意主張

吾道重建廟學豈非翼翼然思皇多士復生我

國家如文王時耶勒銘金石不足以歸美于某上

諸生當勉學夫子之道處則孝於其親友於兄弟出則

忠於其某君施于有政抱道懷德陞名仕版為當

世之顯儒遠不忝宗周習俗之美仰不負某吾皇

樂育之誠俯不媿 諸公主張之德使諸公異時聞諸
生行業於 廟堂之上奚復有慊於心歟大金正

隆二年十一月十有五日京兆前進士李卓謹記

河南潘師雄書丹開封錢義方顯額學正來昌國等立

石 齋諭韓觀 齋長姚褒 司書宋端弼

直學任侯 學諭曹誼

監修使臣唐安

監修學忠顯校尉充京兆府軍器庫副使兼知作院

武騎尉李宏

監修學奉信校尉可充京兆府軍器庫使兼知作院

飛騎尉劉端

提振修學昭信校尉行京兆府錄事飛騎尉王景暉

提振修學奉政大夫專一規措京兆府耀州三白渠

公事驍騎尉王堪

學爲府尹完顏胡女修建文云舊學在府城之坤維

地前宋崇寧二年命郡縣建府帥樞密直學士虞策


改築于此據之則宋金時學非復唐國子監舊址也

關中金 石記

按碑云京兆舊學在府城之坤維前宋崇寧二年
府帥虞策詣學卽今府城東南隅改卜其處陝西

通志西安府學但云在府治東南卽宋金學校舊址不言宋金以前舊址所在關中金石記乃云據文則宋金時學非復唐國子監舊址也攷宋敏求長安志載唐京城萬年縣所領朱雀門街第二街北當皇城南面之安上門街東從北第一務本坊半以西國子監監東開街若兩坊街北抵皇城南盡一坊之地又曰當日之城南面朱雀門有南北大街曰朱雀門街東西廣百步萬年長安二縣以此街爲界萬年領街東五十四坊及東市則是朱雀街因朱雀門爲名門在京城之正南萬年縣所領在東街而街東又分五街國子監在第二街以京城大勢揣之監正在東南隅不知碑所謂府城坤維之舊學是何時之學坤維是在西南與唐國子監地不合府尹完顏胡女金史無胡女有活女爲婁室之子傳稱天眷三年爲元帥右都監累歷京兆尹修學在貞元乙亥歲距天眷三年得十六年或是時卽活女作尹或金國語傳寫之誤也未列銜有監修學二人提控官又有提振修學二人史百官志凡修舉之事有提控官而無提振此提振或卽提控之義王堪規措京兆府耀州三白渠

公事志載規措官正七品其屬有點檢渠堰官一員可知當時特重渠事故設官專一規措也



金石萃編卷一百五十四終

金石萃編卷一百五十五

賜進士出身 誥授光祿大夫刑部右侍郎加七級王昶撰

其刻金

乾州思政堂記

碑連額高七尺八寸五分廣三尺七寸二分十三行行四十九字正書篆額在乾州

大中大夫行乾州刺史兼知軍事輕車都尉滎陽郡

開國伯食邑七百戶賜紫金魚袋鄭彥文述并書

大徵事郎充乾州軍事判官崔良弼篆額

乾本漢池陽縣至唐改奉天後置為州梁乾化中升威勝軍後唐同光年乃復今名距京兆不越數舍其地平

敞四達自昔關中有事亦用武之地也比年以來宿師
多壘應辦浩大瘡痍未平風物凋弊而不振號爲難治
大定戊子歲余刺北甯庚寅被命移守來此丁雨

暘不時傷我穡事在牧民者當得安養拯恤之方載循
空疎魯鈍怵惕軫慮惟恐蹶失致以罪去昔集賢校理
太原王公爲池州日治其後堂命曰思政謂其出政於
南嚮之堂思之於此也曾子固作記美王公不敢忘政
其於治民之意勤矣余愛其言之有理与余意合私竊
慕之而未克遂志適此公署廳事之次有屋一區雖劇
宏壯然以廢置之久上下頽圯隅角墊缺風雨摧剥烏

鼠攸宅不可居處乃檄計司得報命工重加完繕補葺
罅漏塗墍丹雘乃復充堂衍宇之舊觀爽朗軒豁以便
遊息爲退食之所亦以思政榜之蓋欲踵武太原王公
雅志高躅焉嘗聞子大叔問政於子產子產曰政如農
功日夜思之思其始成其終行無越思其過鮮矣余敢
忽之哉值乾路當衝要輶車駟騎電掣星馳迎餞旁午
加之諸邑租庸征賦公務鞅掌民紊訴牒吏鈐紙尾幾
不勝聽剖析決遣若匪三復審諦寧不有誤者哉每公
餘吏散正襟危坐于其中澡淪神觀踈剔荒塞私自訟
曰尔於事君之忠有未盡乎行己之道有未得

乎學校有未修乎鰥寡有未恤乎獄訟有未平乎農桑有未勸乎謹當誦前言而不敢違庶幾幸免曠斥少圖補報

國恩以寬戶素之愧焉堂之側亦有茂林翠竹可以招邀風月領略芳華或隱几以休詩書或酌酒以娛賓客雖在談笑觴豆徜徉巾履中念所以爲政之本未始造次而忘也嗟余束髮登仕代匱州縣之職雞一再鳴而起校吏事於朱墨簿書中奉行

子教條惟恐不克仰副

委付之意周遊而河暨

陝服不啻萬餘里奔走匏繫垂五十年其羈僑亦久矣疲頓亦甚矣今年踰七十儻於職守夫思慮而致譴黜寧不負平昔之志哉昔東坡先生守膠西治新寢於黃堂之北名曰蓋公堂且自作記蓋慕其人也余与坡公賢愚固不同而倣太原王公思政名堂余豈不得慕其人而襲其遺範哉於是乎書置之左右庶朝夕臨觀以自警其不逮云大定辛卯歲冬十二月初一日

昭武大將軍同知乾州軍州事上輕車都尉隴西郡

開國伯食邑七百戶李仲仁上石

文有云乾本漢池陽縣至唐改奉天後置爲州梁乾化中升威勝軍後唐同光年復今名以唐志合之改縣爲州乃乾寧二年也太平寰宇記云李茂貞建

覃王出鎮爲威勝軍文又云距京兆不越數舍寰宇
記東至長安一百八十里

關中金
石記

按陝西通志乾州知州署在城內西偏卽唐德宗
行在故址後改爲州治金太定戊子刺史鄭彥文
修二堂顏曰思政堂卽謂此碑也文云乾本漢池
陽縣至唐改奉天後置爲州考池陽縣在周爲焦
獲地秦爲涇陽邑漢惠帝四年卽其地置池陽縣
屬內史後屬左馮翊後漢因之迨苻秦時於池陽
東南析置涇陽縣宇文周時廢池陽不復置歷代
至今但有涇陽縣其縣今屬西安府並非乾州地

乾州始於唐睿宗文明元年析醴泉始平好時武
功豳州之永壽置奉天縣以奉乾陵至昭宗乾寧
二年以縣置乾州其地與池陽東西相距截然兩
處碑云本漢池陽縣者誤也鄭彥文大定庚寅移
守來此庚寅是大定十年碑立于辛卯則十一年
矣金史百官志州刺史正五品同知正七品判官
從八品文階從四品上曰大中大夫正五品上曰
中議大夫中曰中憲大夫下曰忠順大夫正七品
上曰承德郎下曰承直郎從八品上曰徵事郎下
曰從仕郎武階正四品上曰昭武大將軍碑於刺

金石錄卷一百五十五
史鄭彥文以正五品官而用正四品上之大中大夫階同知李仲仁以正七品文官不用文階而用正四品上之昭武大將軍武階史志無明文可攷其制莫詳

莊嚴禪寺牒

石高廣俱三尺二寸天小字共十四行每行字數不等下層刻僧衆及各村人各行書在高陵縣

尚書禮部牒莊嚴禪寺

尚書禮部牒

尚書戶部差委京兆府發賣所據京兆府高陵縣慶安鄉幡干村院主僧法淳善江宗昉狀告見住本院自來別無名額已納訖合着錢參伯貫文乞立莊嚴禪寺名額勘會是實須合給賜者

牒奉

勅可特賜莊嚴禪寺牒至准

勅故牒

大定四年五月

日令史向昇押主事安假權郭

押

奉直大夫行太常博士權貞外郎劉

中憲大夫行員外郎李

宣威將軍郎中耶律押

侍郎

中奉大夫禮部尚書兼翰林學士承旨知制誥修國

史王

本村賈福

賈永興

鄭再興

徐志

南順

孫

辰 張安

吳再立

張俊

韓廣

進義校尉韓

卞 朱琦

韓浦

韓永興

蕭張村王昺

王仁美

劉志

許村進義校尉王儀

進義校尉孫喜

柳昇

進

小王村進義校尉姚順

牛直

牛彥

坳下村進義校尉劉潤

進義校尉曹榮

進義校

尉劉清

僧永琦

智顯

智雲

僧永堅

智嚳

僧智存

智隱

僧智賢

法均

法詮

講瑞應經僧文緩

講唯識論僧文慶

講准識論

僧智英

講經僧法振

僧口口

大定十六年歲次丙申二月丁丑朔二十一日丁酉

住持僧法淳上石

講經律論傳大乘戒沙門善江

按大定初年寺觀納錢請賜名額之事金史無攷

今所得於陝西者凡十四碑文稱尙書禮部牒是牒由禮部發也又稱尙書戶部差委某州發賣所是戶部設官差委外州發賣牒文也金史百官志戶部既無發賣所之官禮部亦不載牒文格式及發賣錢數但詳僧尼道女冠限度試經之數與夫中選給據之法而已據同官縣靈泉觀記云大定初王師南征軍須匱乏許進納以賜宮觀名額若然則是大定初權宜設置之事非常制也十四碑中在長安者五碑在涇陽者七碑在同官者一碑在高陵者一碑似其制獨行於陝西殆卽辦軍須之所也其牒起於大定二年迄四年是時世宗初卽位用兵契丹因暫行此制想四年以後卽停也牒文之式不一大定二年祇稱陝西各路轉運司三年以後則有尙書戶部差委京兆府發賣所又有差委耀州發賣所是發賣所始於三年而各州皆有也其錢數大定二年但云已納訖合着錢數三年以後則著明錢壹伯貫至四年四月清涼禪院牒錢壹伯伍拾貫五月莊巖院牒錢叁伯貫逾時未久牒價懸殊不能知其故也諸碑皆稱發賣所獨福勝院牒稱發給所小有不同有額名同者

如洪福院有二牒一在京兆府一在涇陽縣同爲
洪福字前爲禪院後爲院清涼院有二牒一在長
安縣一在涇陽縣同爲清涼字前爲院後爲禪院
也或當時院與禪院畧有辨歟凡請牒必由狀告
與唐宋之制不同詳識于此亦可備一時掌故牒
雖多種俱于大典無關今錄此一牒以志大概其
餘牒內官旣無名可考亦無文字可傳姑從刪削
凝真大師成道記

碑連額高五尺五寸廣二尺七寸分三層上層繪成
道圖中層記二十九行行二十字下層田土地基三
十六行行二十餘字不等正書額題驪山
靈泉觀凝真大師成道記篆書在臨潼縣

故靈泉觀主凝真大師成道記

李輔書

大師諱子嚳姓劉氏開封人也生有奇相人知不凡年
甫數歲居然厭俗自投牒於太清宮受業爲道士旣守
真戒奉行教法功德不可思議旁通醫術能處砭劑全
活者不可勝數歷歲滋久升聞於朝前宋仁宗召
赴闕廷師之入見也年已幾耄鬚髮皆黑面有壯容進
趨如儀登對有法帝曰噫哉詔賜號曰凝真大師換
紫衣勅授靈泉觀主賜秦帝陵旁并諸庄地土計一
百五十頃及山林湯泉水磨臨潼縣地基房廊盡充靈

泉觀常住道業。師既莅事，一新規畫，數載之後，租入有餘，謂尚座李藏用曰：「此觀實唐之華清宮也。今圯廢如此，幸有積貯，可以繕脩。於是創殿閣，立堂齋，鑿新湯，築花圃，成之不日，壯麗可觀。迨至和元年正月二十日，師忽沐浴更衣而出，擊鐘集道衆，遺言曰：「公等自愛，我今歸去。」言畢，遂兩手結印端坐而化。是時方春，林巒秀茂，鸞鶴飛翔空中，騁騁有樂音，衆皆瞻仰望。師隱隱而昇矣。後經一月，有客自西蜀來者，云：「我於今年正月二十日，逢一道士騎青驪者，自稱曰：『我是靈泉觀主劉子嚳。煩你傳語在觀道衆，衆聞斯語，欽仰讚歎。』曰：『師達者也。自師西昇，迄今百有餘祀，其後代門人馬景陽、陳守靜、劉守冲，携師之行狀，踵門而求記於子。至于再至于三，予嘉其勤而諾曰：『試卽其行狀，直書以叙。』云爾。」大定丙申四月初五日，渭南王鎬記。

劉仲永 惠口 王守恭 姚若谷 曹仲昌

刘仲弼 楊守中 劉守冲 王慶道 寇仲實

陳仲寧 龐仲先

監觀道士馬景陽 觀主道士陳守靜等重立石

武略將軍行京兆府臨潼縣主簿兼縣尉飛騎尉李

温敬

宣威將軍行京兆府臨潼縣令上騎都尉蘭陵縣開國伯食邑五百戶蕭麻鞋南圭刊

靈泉觀山林水磨田土地基

一山林一所東至天澗水西七盤谷南至分口口口口

口口口

一東宮城裏外并繚綺東口角口毬場上下耕種地土

口口三十二頃五十畝

一毬場官道北東西畝地二十八畝東西至口南至道

北民田

一望仙橋河南菓園地東至河西至觀下車院牆北河

南口

一西宮城裏外并磴子谷村口磴窠五聖觀上下口城

北菓口地共八段計八頃三十三畝

一丹霞泉西南山坡耕種田口計四頃五十畝

一口口山坡地土計二十頃二畝東至天河西道南水

溝

一南衛村官口下地土口段計四十五頃口畝東至口

西北溝

一騫村谷底并東西口塘口口地土計四頃口口畝

一口邊村東西畝地土計一頃二畝東西南並至道北

一西輔村南北畛地土計八十畝東西至民田南口口

口

一秦始皇陵廟周迴地土計四十二頃四至並外陵牆

一觀門東南裏角地基計三十八間東至石埭道西至

官道南至觀客院北至官街

一簿尉衙東客院東南門裏石埭頭地基計五十八間

西至簿尉衙東南北並至觀

一觀門西南裏角地基三十一間東至官道西官南觀

北官街

一倉門南面西裏角地基二十二間半東倉牆西街東

南觀倉口巷口西南民田北倉門道

一倉門北面西裏角地基一百二十五間口尺東至倉

城牆南至口門道西至街道北至望仙河民田

一北十字街南東壁上西向街地基一十二間內九

間長一百五十尺東至民田西至官街南至衙牆北至

民田

一新巷南街西面東地基一十二間東至街西新巷南

民田北新巷道

一水巷街東南裏角地基八間東至官地西至街南至

街北至口

一水巷街東面西地基二十五間東至官地西街南觀

北民田

一水巷街西南裹角地基二十三間東至水巷西至民

田南至街北至觀相接係菜園地北至塹

一水巷街西面東地基二十五間半東至官街西南觀

北民田

一城西街南面北并上西門街西地基四十一間東口

口口口西至舊城牆南至塹北至下西門口口口西

口口口地基東至街及街東面西地基東至民田西至

街古城牆南北至觀下塹

碑陰題名

三行行七字八字不等草書

少華高元龍趙勉功同登朝元氣象豁然因題於壁

少華党元之率鄉人高子堅楊質夫登朝元於壁間見

元龍草駘惜其慢滅遂書于後元符庚辰中秋日質夫

題

靈泉觀主妮有祥 上座蘇有志 直歲馬思口重

陽日立石

安延年刊

按陝西通志靈泉觀即華清宮晉天福中改賜道

士故以觀名華清宮在臨潼縣南唐咸亨二年始
 名溫泉宮天寶六載更曰華清碑前載觀主凝真
 成道記乃宋仁宗時事師歿於至和元年此記作
 於大定十六年丙申距師西昇一百二十三年矣
 記後載山林水磨田土地基四至畝數凡二十四
 條有東宮城西宮城之名卽謂華清宮城也有秦
 始皇陵廟在臨潼縣東一十五里可見其觀地自
 南而東亦云廣矣年月後列銜縣令曰宣威將軍
 主簿曰武翼將軍金史百官志赤縣令正七品文
 階上曰承德郎下曰承直郎諸縣令從七品文階
 上曰承務郎下曰儒林郎主簿皆正九品文階上
 曰登仕郎下曰將仕郎武階正七品上曰承信校
 尉下曰昭信校尉從七品上曰忠武校尉下曰忠
 顯校尉正九品上曰保義校尉下曰進義校尉至
 宣威將軍乃正五品中階武畧將軍乃從六品下
 階此碑系銜縣令不用文階而用正五品中之武
 階主簿不用文階而用從六品下之武階皆未詳
 其制金碑中多類此者後不具論

三清觀鐵盆記

盆不知大幾許茲就銘而計周圍環一丈四
 尺七寸寬四寸九分單行凡一百九十字正書

維大金大定十七年歲次丁酉八月戊辰朔十五日壬午三清觀道士趙師通 小師趙維壽 鄉貢進士鄭時舉獻銘曰
金當鎔兮柔而貞兮探摸堯氏踐踞虎形不湧不躍大器混成不曰鍾乎徒希其聲不曰鼎乎姑旌其名茲惟仰象告於神明動天之德也醮祭惟馨奚取夫鑄俎之腥

禮部令史題名記

石二一橫廣二尺八寸一橫廣一尺高各一尺八寸四分共計三十八行行十七字至二十二字不等正書在京師法原寺

初大定乙酉歲既刻題名為諸部倡猶以不能備紀始末為未足至崔君穎士迺更刻石悉書鄉里官品與夫入部及出職歲月所以示君子仕進之難持已既廉從事既勤而又積日綦久無簿書文墨之失然後可以有立非徒記姓名銜階秩而已也夫仕宦窮達固繫時口口口在於自為者如何前刻謂今之貴顯口口此出如諸君奚患不榮更在審其所以自為者勉之戊戌秋八月三日儒林郎國史院編修官武騎尉賜緋魚袋党懷日記
武略將軍崔穎士貫滄州大定八年五月到部正定州

進義校尉魏慎口貫延安府明昌元年三月到部

保義副尉王谷貫平州明昌元年三月到部

馬伯禎貫順州明昌元年三月到部

和僅貫蠡州明昌元年九月到部

保義副尉李浩然貫延安府明昌元年九月到部

口口貫口州明昌元年十月到部

口口口州明昌二年六月到部

口口口口明昌三年正月到部

口口口口明昌三年五月到部

按金史百官志禮部令史十五人內女直五人譯

史二人通事一人此碑題名凡二十六人不見有

女直譯史通事之別文云大定乙酉既刻題名至

崔君頴士迺更刻石悉書鄉里官品與夫入部出

職歲月今碑題名始于大定八年正是乙酉歲是

合前後并刻也但所書止有到部年月並無出職

歲月與記不同題名自大定八年至明昌三年而

止凡二十五年此後不復續刻禮部官品止於主

事其命史有官無品職亦卑矣乃刻石題名為諸

部倡亦是勤于職業之一端然未見諸部有碑能

仿而行之者獨此碑流傳於世亦可珍也党懷英

作記歲在戊戌爲大定十八年傳稱懷英字世傑
馮翊人大定十年進士除汝陰縣尹國史館編修
應奉翰林文字翰林待制兼同修國史能屬文工
篆籀當時稱爲第一據此碑結銜是尙未官待制
時也題名諸人史俱無傳

重修漢太史公墓記

碣高一尺四寸廣二尺五分二十
一行行十五字正書在韓城縣

嘗考漢史司馬太史公生於龍門十歲誦古文二十而
南遊江淮上會稽探禹穴窺九疑浮於沅湘北涉汶泗
講業齊魯之都以觀孔子之遺風過梁楚以歸焉於是

遷仕爲郎中父沒三年而爲太史令乃述陶唐以來至
于麟趾紬石室金匱之書據左氏國語采世本戰國策
述楚漢春秋上協六經馳騁古今不虛美隱惡可謂命
世之良才及其卒也葬於梁山之崗至今韓人享祀不
絕惜乎時代歷久舊塚傾頽今春姚定乃率里人命工
修復其意欲以光華文史之風激勵衰鄙之俗屬余爲
記但以文荒才謬爲愧堅不獲辭直書日月耳

時大定己亥清明後二日進士趙振記

稷山石匠王遇段琪

塼匠張立王正

化主任道成 施栢樹伍拾根杜村張吉

開沽芝川酒場本縣韓樂坊姚定立石

水經注陶渠水又東南逕司馬子長墓北墓前有廟

廟前有碑永嘉四年漢陽太守殷濟瞻印遺文大其

功德遂建石室立碑樹桓太史公自序曰遷生龍門

是其墳墟所在矣攷陶渠即芝川水今墓在冰南俗

說云漢武帝于此得芝草改名也關中金里人命工

按陝西通志太史公司馬遷墓在韓城縣南二十

里芝川鎮墓前有坡因號司馬坡西枕梁山東臨

大河氣勢雄闊古柏數十百皆蒼老如鐵懸於兩

崖作蛟龍狀邑令翟世祺築高砌以磚石層級而

上冢漸圯縣令康行儻重修之而獨不載姚定重

修之事姚定開沽芝川酒場無守土之責而尚賢

九陽鐘銘

鐘十二方橫廣一尺三四寸不等高各一尺八寸每

方或七行至十三行字數七至十七各不等正書在

臨潼縣令柴震題

鐘乃古樂制於聖人不石不播可扣可開固將設之以

饗嘉賓固將奏之以和鬼神豈特於斯仍告朝昏四

本觀先於元豐年官鑄九陽神鍾到今百有餘年今

蒙銅冶宣差到觀為見銅鍾破裂委官別行

鑄造永為嘉用昔大金大定二十一年辛丑歲四月

十七日壬戌重鑄記

知庫田仲和

直歲馬仲口

監祭口

尚座郟仲弼

副觀王慶道

知靈泉觀事兼本縣監觀劉守冲

監觀道士馬景陽

助緣人等姓名不錄

助緣道士姓名不錄

本觀道士姓名不錄

助緣人等姓名不錄

保義校尉猛安千戶王明

昭信校尉猛安千戶劉昌

昭信校尉知事口景淵

忠武校尉府推官任企口

少中大夫府判官郭元康

昭毅大將軍統軍判官耶律口口口

昭毅大將軍府少尹兵馬副都總管□□成

定遠大將軍同知府尹兵馬都總管□□

陝西路統軍都監

尹本路兵馬都總管夾谷清臣

龍虎衛上將軍陝西路統軍使兼京兆規措銅冶鑄

錢所麻

宣差中大夫尙書吏部員外郎規措銅冶鑄錢所張

宣差朝散大夫尙書戶部郎中

轉運司都日官扈彥

孔日官姓名不錄

押司官姓名不錄

司吏姓名不錄

櫟陽縣金火匠程用男程彥

進義校尉商酒同監郭元貞

修武校尉商酒都監孫備

宣武將軍行縣尉李木魯□不

文林郎前主簿

委監鑄官耶律德

承信校尉行京兆府臨潼縣令使府差

昭毅大將軍支度判官孫□□

奉訓大夫鹽鐵判官李必說

宣武將軍都勾判官劉仲仁

奉直大夫陝西東路轉運副使陳訥

明威將軍陝西東路轉運使高蘇

京兆府孔目官

司吏

本縣司吏

高陵縣

本縣助緣人

臣佐

皇帝萬歲

千秋

臨潼縣九陽鐘銘縣令柴震所作淺陋無足觀周遭

刻官吏及助緣人姓名殆遍其最貴者曰宣差朝散

大夫尚書戶部郎中規措銅冶鑄錢所張曰宣差中

大夫尚書吏部員外郎規措銅冶鑄錢所麻曰龍虎

衛上將軍陝西路統軍使兼京兆尹本路兵馬都總

管夾谷清臣曰陝西路統軍都監曰定遠大將軍同

知府尹兵馬都總管李口曰昭毅大將軍府少尹兵

馬副都總管段成功曰昭毅大將軍統軍判官耶律

一里哥其餘不能悉數矣攷金史食貨志大定十二年正月以銅少命尙書省遣使諸路規措銅貨能指坑冶得實者賞十八年代州立監鑄錢命震武軍節度使李天吉知保德軍事高季孫往監之而所鑄斑駁黑澀不可用詔削天吉季孫官落職更命工部郎中張大節吏部員外郎麻珪監鑄卽此鐘所列張麻二人也史稱大節工部郎中此刻云吏部者蓋由工部轉吏部耳

潛研堂金石文跋尾

按鐘在靈泉觀重鑄於大定二十一年前銘後記皆臨潼縣令柴震所題次列觀中道職七人存其

姓名以後助緣人等四十八人助緣道士九人本觀道士十五人又助緣人等七十八人姓名俱不錄此後監鑄各官銜名十四人又火匠以上暨轉運使銜名十二人其中孔目官五人押司官四人司吏十九人京兆府孔目官五人司吏三十人本縣司吏二十二人高陵縣五人又本縣助緣九人姓名俱不錄

博州重修廟學記

碑高八尺五分廣四尺二寸二十九行行字數不等行書額題新修廟學之記六字篆書在東昌府學

博州重修廟學記

石碣王去非記

庭筠書

東平党懷英篆額

夫有國家者欲成長久之業建不拔之基莫大乎厚風俗厚風俗之道莫大乎興學校蓋學校者教化所由出也孟子曰夏曰校殷曰序周曰庠皆所以明人倫也此之謂矣昔孔子欲行是道而不得其時乃修六經以詒後人孔子既沒之後雖復揚墨于戰國火于秦佛老于晉宋齊梁然其道揭日月卒使天下尊之以爲先

至今不能易者何耶蓋自暴秦之後二千有餘歲其間願治之君有能尊夫子而行其道者効著于當年澤流于後裔故也略以近古治化最隆者明之漢唐之興莫不敦尚經術開設學校爲先務而繼體承流者復能守而不失間得人如文翁常袞由是漢唐之風忠信廉耻庶幾三代及其季也先吏治而後德教政令因而失叙水旱緣以爲災是時雖有外陵內侮之虞而國祚猶能綿綿不絕至于三四百年之久者豈非人被先王之澤情止乎禮義之効與卽是以觀則崇學校以宣教化有國者不可緩也

本朝興太學于京師設祭酒司

業博士之員以作新人材又興天下府學州縣許以公府泉修治

文宣王廟舊有贍學田產經兵火沒縣

官者亦復給于學此

國家崇儒重道之意也州

縣能體

是意而奉行之不無其人而能如

王公所居必興學見諸生以爲政先出於中心之誠者幾何人哉公由

太子司經來倅博州兼提舉廟學

事既下車謁

宣聖廟是時惟大成殿始新而未完

餘屋皆敝塑像置平地土中

公因諸生侍坐而問

其故有對者曰始徐大夫興崇廟學置贍學之資逮兵火廟學爲灰燼天眷間趙大夫爲學官以此地創建幾

於苟完今弊若此適太守完顏國公欲修崇之旣口新大成殿俄去郡厥功是用弗集公聞而歎曰今不嗣續其功殆非體

上意而昭吾道也於是確乎以興

作爲己任必欲凡所謂廟學者無一不具焉乃請於州

賴太守金吾劉公賢明樂善欣從其請於是正其

地而垣之廣袤伍畝有奇鳩材募工自大成殿始塗墍潤色役不踰時而制作粲然

宣聖之貌則取乎闕

里之像顏孟之容則法乎秘閣之本皆作藻井華蓋以尊嚴之升堂之像自袞而下繪壁之像自鷲而下皆循其禮制而飾之其贊則有唐名臣之文講堂雖仍舊增

標以廣其制使寬而有容儀門復改作增土以高其基使翼然其正從祀畫像之廡經籍祭器之庫隸業之館庖廚之室高下相對凡四十楹皆創建而一新之壯麗宏敞合禮應圖以至階序之布列垣墉之環繞水竇之濬治花木之栽植一一如式計其費無慮五百萬皆瞻學之贏也原

公之意以爲苟不如是徒有修學之

名耳自非知教化之原惟在於學者其誰能之昔漢之文翁爲蜀郡守乃選明敏有材者親自飾厲每行縣益從學官諸生明經飾行者與俱吏民榮之由是大化蜀地學比齊魯于時人材有至郡守刺史者唐之常袞由

宰相出福建觀察使治臨於粵至爲設鄉校民有能誦

書作文辭者與爲客主鈞禮觀游燕饗與焉俗一變歲

貢士與內州等于時歐陽詹獨秀出學旣成舉進士登

第與韓退之輩同中選謂之龍虎榜今王公東漢

彥方之苗裔家聲赫奕文采風流則與文翁常袞不相

上下若乃勸學則加於二人一等矣若二人止能待士

以禮王公又能課諸生以文獎其勤以勵其游尙

其能而勉其未至其肯承口講指畫爲文者皆有法度

可觀推此則過於二人爲不妄博關號爲上州從來服

儒冠道先王語登科者舉不乏人今又化王公之

德將見豪傑之士應時所選比肩繼踵而出豈如蜀粵

止稱文常所得人材而已哉去非耄矣無能為也郡庠

諸君屬之作記去非既嘉王公之興學又感諸君

之知待不敢以鄙拙辭去非曰自徐公之守是邦當宋

元豐戊午距聖朝大定辛丑蓋百有餘年矣歷

官者不為不多能推至誠興崇廟學者不可一二數是

知漢唐之治數百年史稱文翁常袞興學校移風俗其

美為二人所專為不妄噫王公方宣天子

崇儒重道之德意學者方嚮王公之化風俗將益

厚矣博人何其幸哉公名遵古字元仲好學守道天下

目為遼東夫子其為政也緣飾以儒雅故所口稱治云

學正晉紳信武將軍口口州口候騎都尉高陽

縣開國男食邑三百戶耿得中

金吾衛上將軍充博州防禦使上護軍彭城郡開國

侯食邑一千戶食實封壹伯戶劉義立石

碑陰碑陰記文十四行行三十三五字不等

行書額題廟學碑陰之記六字籀文

熊岳王遵古記博州廟學厥惟舊矣宋元豐間徐公爽以已俸置房廊

施於學以贍學者厥後值宋季兵火廟學被蕪學之故

基因擾攘間保聚爲縣署所占今聊城縣廨是也

聖朝天眷間學正祁彪始謀指射舊都監廨基以議
興建學錄尙戢輔之適趙公懋來爲教授公与公錄戮
力規畫以贍學之資郡人之施建版堂三間兩廡十六
間儀門三間門樓一間又塑宣聖顏孟三像旣成郎中
甄公格宅有舊十哲像施於學又繪七十二賢像於兩
廡亦可謂之苟完矣後十餘年防判趙紹祖与學正成
奉世創葢講堂三間至大定甲午歲防判馮子翼爲釋
奠行禮之隘以作新大殿請於州方委正錄音紳路應
辰以贍學錢市材木築基址會太守完顏國公允節來
守是邦知諸生當此重任力不能勝乃假以力功未及
成移守於清此數君子有權輿庠序者有分祿養賢者
有富貴而好禮者宜專其美爲不朽之傳而廣道諸儒
歸功於僕蓋欲使後來者用心益勤將有大於是者遵
古惟墮成是懼故孜孜然卒其事安敢有其功哉若夫
教化流行風俗移易人識廉隅國興仁讓然後語其成
功不負數君子之志僕亦以此仰望於後來者焉

大定辛丑季夏晦男庭筠書門人李穀篆額

齊西王世永模刊

東昌府學有三絕碑金大定間重脩文廟王去非撰

記党懷英篆額王庭筠書丹時號三絕

山堂肆考

金王庭筠號黃華老人善寫梅書法沉頓雄快與南

宋諸老各行南北元初夔子山諸人不及也

六研齋筆記

王庭筠在金與趙秉文党懷英輩同負書名而庭筠

酷似南宮此書是也攷是時庭筠父遵古實成廟學

事王去非記之而令庭筠書之故尤為得意篆額者

即懷英也

石墨鏤華

王去非三人俱有傳庭筠之父遵古時為博州倅以

興學自任而去非作記時年八十有一耄而能文亦

可稱也遵古字元仲好學守道當時稱遼東夫子官

至翰林直學士而庭筠傳中祇一見其名未免略矣

廟學碑陰記遵古撰亦庭筠書而筆勢尤縱逸以古

文篆題其額者遵古之門人李穀亦不減党承旨筆

法也未行自題熊岳王遵古熊岳縣屬東京路之蓋

州故有遼東夫子之稱金史庭筠傳以為河東人誤

潛研堂金石文跋尾

按此碑正面王去非撰文稽之東昌府志已載入


學校卷中碑陰王遵古撰記府志不載東昌府宋

金時皆謂之博州聊城縣倚郭當時祇有一學州

縣合之故元豐間徐爽所建廟學其後淪為聊城

縣廨至金天眷間祁彪卽舊都監解重建今府學是也碑云始徐大夫與崇廟學卽謂徐爽不詳其里居永樂舊府志稱其元豐中知博州捐資修學校有惠政碑又稱趙大夫爲學官趙大夫者名懋時爲教授碑又稱太守完顏國公者名允節又太守金吾劉公者名義卽碑末列銜者也碑陰王遵古撰記遵古字元仲其子庭筠兩面碑文皆庭筠所書庭筠時爲恩州判官金史文藝傳云庭筠字子端河東人中州集稱庭筠爲熊岳人碑遵古自署亦作熊岳文亦稱遵古天下目爲遼東夫子或別歟庭筠卒後章宗以御製詩賜其家其引云王遵古朕之故人也乃子庭筠又以才選直禁林是王氏父子受知於章宗如此撰文之王去非無攷篆額者党懷英傳稱其爲馮翊人而此碑自署東平未詳





金石萃編卷一百五十五終

金石萃編卷一百五十六

賜進士出身 誥授光祿大夫刑部右侍郎加七級王昶謨

金三

重修中嶽廟碑

碑高一丈三尺九寸五分廣六尺四寸三十三行行七十字正書篆額在登封縣

大金重修中嶽廟碑

中憲大夫充翰林待制同知 制誥上騎都尉江

夏縣開國子食邑五百戶賜紫金魚袋臣黃久約奉

敕撰

奉政大夫充翰林修撰同知 制誥兼 國史院編

修官驍騎尉賜緋魚袋臣郝史書

承直郎應奉翰林文字同知 制誥兼 國史院編

修官雲騎尉賜緋魚袋臣党懷英篆額

大定二十二年十月庚申以重修嵩山 中嶽廟成

未有紀述 制詔臣久約書其事于石臣學術荒蕪

實懼不克奉 詔然忝屬翰林以文字爲職雖甚愚

陋其何敢辭於是承 命戰兢而書之臣聞五嶽在

宇宙間繇胚胎剖判之初鍾造化神秀之氣鎮墜厚地

奠安一方噴薄風雷蒸騰雲雨材用繇是乎出寶藏繇

是乎殖形勢巍然非它名山鉅鎮所可方擬若夫挺峻

極之狀著高大之稱据天地之中央得五行之正位差

峩岌紫俯瞰河洛號衆山之英者惟嵩爲然爰自書契

以來事跡靈口非一祝融降而啓夏申甫生而興周浮

丘公混俗以僑居王子晉得道而僊去自餘高真遊覽

元聖棲遲圖謀所傳不可殫舉維 神尸之聰明正

直克相 上帝保佑生民是宜歷代帝王靡不崇奉

凡巡狩四方往往款謁其下而封爵之隆所以褒大之

每有加而無替也舊有廟在東南嶺上年祀綿邈莫知

其經始之由魏大安中嘗徙于神蓋山唐開元間始改

口於此遭宋靖康兵革之難海內俶擾饑饉荐臻郡邑

凋殘寇盜充斥齊國建立創痍未瘳用兵不休賦役煩
重故伊雒淮甸之間戶口蕭條爲甚廟之基構僅存而
繕修不時上漏旁穿風雨驟剝翫歲愒日殆不能支歲
時祭奠牲酒寂寥鼓鐘不設神弗顧享可勝嘆哉

皇朝混一區夏方隅辰寧解媯除苛政教清肅涵
養休息復見太平自爾公私獻功稍就完葺然積久弊
陋未足以稱神之居且當國家開拓之初地

大物衆經營締構不失先後緩急之宜顧興仆起弊之
功力或未暇如有待者洪惟主上纂明昌之緒題
熙洽之期蒐獵遺文禮樂備舉嚴奉宗廟肇禋祀

丘懷柔百神無文咸秩至於崇飾海內前代祠廟恒敬
不忘况嶽瀆之在祀典有功烈于斯民者宜如何哉先
是十四年秋九月敕遣口人諭指宰相諸嶽

廟久闕修治宜加增飾其選使馳傳遍詣檢視以聞明
年使者復命卽以諸應費材用工徒與夫百物之數具
圖上之粵十月壬午乃有重修之命且詔有

司凡一夫之役一物之用悉從官給無得煩民仍寬與
之期戒勿倉卒涉于不敬以稱所以事神爲民祈

福之意維中嶽口河南府登封縣之境內尙書省
迺以其事下於府二以是下之縣地官則以其費用屬

本道轉運司出公帑之口合廟中前後供施餘利驗其數以時給之冬官則以其夫匠均賦河南及旁近諸郡發其騶馭役夫之羨卒闕或不足則募諸遊手之民隨時之高下而優予其直以付本縣令臣張子夏監護役事又命同知河南尹事臣宋嗣明總治之諏日鳩工衆作畢舉廟制規摹小大廣狹位置像設悉仍其舊無事改作視其棟楹椽桷之撓折朽敗者則徹易之垣墉階阼之缺罅摧圯者則更築之髹彤黝堊藻繪之湯滅不鮮者則加飾之煥然一新窮壯極麗吏無遺力人不告勞總爲屋二百三十有八間其西齋廳以待每歲季夏遣使祭祀之次舍不與焉始事於十六年四月丁未絕手於十八年六月戊子費錢以貫計之爲一萬四千九百六十有四用力以工計之爲四萬八千三百六十有二落成之日丁壯垂白執持香花遠口畢湊皆大知會不謀同辭咸謂物之廢興成敗自有數存乎其間殆有非人力所能致而致者夫以五十年日循委靡之弊一旦變爲殊絕偉麗之觀匪夫遭時隆平 聖天子在位文明勤儉無爲而成何以臻此嗚呼休哉昔漢武帝元封口嘗登口山從官吏卒咸聞呼萬歲者三流傳後世至今稱美矧 吾君壽考與山齊等永永無極其

陰相之功又豈特區區徒見于祝願之間而已耶臣既
序其本末以展歸美之報敢拜手稽首作爲頌詩繫之

于後頌曰

瞻彼崧高維嶽之雄穹窿隱赫屹然地中奕奕神宮
權輿東阪繇魏以來再徙寬衍上棟下宇揭虔妥靈規
摸顯敞氣象崢嶸遭時否屯兵火饑饉天方厭難人不
堪命酒埽有闕隳頽弗支上雨旁風過者嗟咨大金受
命恢闢疆宇燠休撫摩躋民口土皇帝御極寢兵
措刑山川鬼神亦莫不寧維時神宮久未遑卹

皇帝曰嘻我心之惻迺諭近輔迺詔羣司去舊取新經
之營之母資民財毋勤民力一出於公訓其成式千柱
眈眈萬口差差金鋪璇題輝映陸離落成之初四遠咸
集峰巒增明雲煙改色籩豆在席笙鼓在庭神之格
思松風泠泠工祝無求施則甚厚雖不望報神其敢
後厥報維何篤生賢人左右王室如甫如申
天子萬年永宅口有巍巍堂堂如山之壽下臣獻頌以
相工歌刻之豐碑萬世不磨

此碑正書方整迺勁書者名郝史不立傳亦無書名
觀其結構王庭筠輩似不及也况懷英號爲能書乃
任篆額不任書知郝書在當時亦自知名碑立于大

定中與博州碑同時世宗勵精政事頗稱太平故以

其暇得修祀事耳

石壘
鐫華

此碑與宋盧多遜王曾陳知徹碑體制豐崇相等今
列立於崇聖門外左右各二人呼四狀元碑內銜名
俱翰林官兼騎尉文臣兼領武職附紀以備官制之

考說

嵩

碑述大定重修中嶽廟始於十六年四月丁未絕手
於十八年六月戊子二十二年十月庚申制詔臣久
約書其事于石按黃久約字彌大東平須城人也金
史有傳稱其雋朗敢言性友弟為文典贍云碑作郝
史書尚可識而庚子銷夏記云書者止云呂郝不著
其名石又完好非泐也蓋未諦視之党懷英金史有
傳稱其工篆籀當時為第一童鈺河南府志云中嶽
廟按唐韋行儉廟記云魏徙廟于嶽之東南即黃久
約所謂舊有廟在東南嶺上也行儉謂元魏徙廟
而黃以為莫知其經始記文偶疏耳至黃謂魏大安
徙于神蓋山韋則不及合觀二記則元魏兩徙廟也
初徙于東南嶺上又徙于神蓋山所謂東嶺者今廟
東南玉案峯也所謂神蓋山者今廟東黃蓋峯也又
峻極中峯上傳為元魏中嶽廟遺址是又曾建廟山

上矣童珏字二樹山陰人所修方志典核可觀近今

著述之善者

中州金石記

靈巖寺滌公開堂疏

碑高七尺四寸廣三尺六寸十三行行三十
一字正書額題開堂疏三字篆書在長清縣

僧義瑄書

左平章政事

今請

滌公 長老住持濟南府十方靈巖禪寺為

國焚修開堂演法祝嚴

聖壽者

口曰達磨不西來孰能薦祖盧公既南度始見分枝雖
無毫髮示人要在承風取證例開法施各踞名坊厥有
濟南靈巖佛寺利洽鄒齊襟吞兗魯二百年叢林浩浩
三千里香火憧憧飛閣蓮宮粹容金界不期偉匠焉振
宏綱伏惟
滌公 長老守文三代接武四禪應歷下之機緣續方
山之勝蹟遂使白蓮真蹟無根而鬱鬱騰芳青社餘光
不鏡而綿綿照世正好高提祖印獨步大方祝
吾皇萬載之昌圖繼古佛一乘之慧壽謹疏

大定二十三年九月 日疏

金紫光祿大夫平章政事宗國公蒲察通

山門知客僧宗秀道璘立石

右碑額題開堂疏三字橫列徑四寸前列左平章政事末題大定二十三年九月空日不書中鈐平章政事印最後題金紫光祿大夫平章政事宗國公蒲察通名案金史世宗紀大定二十一年三月尙書左丞蒲察通爲平章政事二十三年十一月丙寅平章政事蒲察通罷據此疏左平章政事卽左丞也通居此官爲宰相之貳故當時亦云左平章政事矣始請滌公在二十三年三月之前及疏文立石實爲二十三年故前云左平章政事後書平章政事官序可案如此通本傳大定十七年拜尙書右丞轉左丞閱三歲進平章政事封任國公百官志封號小國三十內有

萊云舊爲宗以避諱改據是則通封宗國其後當避睿宗諱易號任國史本此書之耳

山左金石志

按靈巖寺有皇統九年寶公開堂疏請者爲濟南府尹此疏爲左平章政事所請則其禮愈隆矣月日中間有印方二寸五分文曰平章政事之印亦與寶公疏之用濟南府印者同例文云祝嚴聖壽他碑皆云祝延聖壽殆以音近而通用耶末署平

金石錄卷一百五十一
章政事不加左字與首行異金史蒲察通傳但云
進平章政事不加左字百官志尙書省尙書令一
員左丞相右丞相各一員平章政事二員亦無左
右字然平章政事既有二員自應分左右與左右
二丞相分列碑之前有左字者可據也

華州城隍神新廟碑

碑連額高七尺五寸廣二尺九寸五分二十五
行行五十六字正書篆額在華陰縣城隍廟

華州城隍神濟安侯新廟記

鄉貢進士張建謹記

鄉貢進士蔚口篆額并書

嗚呼唐室之衰也豈一朝一夕而然哉其所由來者漸
矣自安史之亂置軍節度而號爲方鎮鎮之大者連州
十餘小者猶兼三四故兵驕則口口而自立帥彊則叛
上而不朝魏博鎮冀奮臂而唱於前淄青澤潞躡跡而
和於後皆互相表署合從連衡欲效戰國肱髀相依以
土地傳子孫口口稅爲私有天子不問有司不呵含育
貨忍百有餘年以爲後世子孫背脅疽根此大蠹貞元
所以守邦也乾寧三年鳳翔李茂貞以兵犯京師口口
將奔太原次渭北華州刺史韓建遣其子允請天子幸
華州昭宗畏備復欲如鄜建追及昭宗於富平泣而言

曰藩臣倔彊非止茂貞若捨近口口巡極塞車駕渡河不可復矣昭宗亦泣遂幸華州時天子孤弱獨有殿後軍及定州三都將李筠等兵千餘人爲衛以諸王將之建已得昭宗口口制之因請罷諸王將兵散去殿後諸軍昭宗難之建自率精兵數千圍行宮以譟請誅李筠以清君側昭宗不得已遽斬筠以謝迺悉散殿後口口都衛兵幽諸王於十六宅建又使中尉劉季述誣諸王謀反以兵圍十六宅諸王皆登屋號呼遂皆見殺是夜建袖劔詣行宮將及御幄有神口口御幄旁厲聲叱曰汝陳許間一卒爾蒙天子厚恩至此輒敢爲弒逆事乎建蒼惶而退亦莫知爲誰明日物色訪之迺華之城隍神也昭宗亦口口遂徙其神於行宮明年八月己未車駕還京師甲子御端門肆赦改元光化以華州爲興德府封城隍神爲濟安侯遭五季亂離典籍廢滅史逸口事而不傳然華之父老至今能言之而言之未嘗不流涕也當是時王珂鎮河中羅紹威鎮魏博趙匡凝鎮河陽朱全忠鎮汴梁李克用鎮太原口行密鎮淮南李仁福鎮靈夏錢鏐鎮吳越皆熊蹲虎踞垂涎舐掌幸時之亂以飽其欲曾不能遣偏裨將率老弱兵爲勤王衛社稷之計乎今此神口縛草傅泥彩色外飾假以成像尙

能赫怒奮威呵叱不祥拯天子於至危極難中以此知
當時藩鎮大臣皆土木之不若也蒼天蒼天此何人哉
口何心哉自五代歷宋以行宮爲太守之署迄今因之
署之東北其祠在焉大定甲午太守完顏公口書錦
是邦每布政之暇常憫此祠處于隘口百姓朔望奠酌
艱於出入而葺飾不繼壞朽落貌像黤昏神雖不言
若有所待公屢出言如有財力之士而能遷建增廣者
許之州人張鐸口口楊林暨前道正韋道樾聚父老而
謀曰吾鄉雖屢遭兵革變毀之甚口而不被弑逆之名
者賴此神之力也盍遷其廟於外以便祀享衆允其請
口口得爽塏地於子城之東南隅正當向拱揖佑德
之觀宜其神明得所安焉遂平其坳埵以基以築百堵
旣興寢殿斯構迺立高門高門有閤口口乙未五月日
日以牲幣告神而遷于新廟禮也於是輦石北山礱而
碑之求文於僕以紀神之英烈且俾後世亂臣賊子聞
之有所戒懼焉吾口口之父老篤於忠義不忘我侯濟
安之德旣已記其營建之始又爲作迎享送神之詩以
遺華人俾歲時歌以祀焉其辭曰

聰明正直兮惟神之德矯誣竊攘兮惟神是殛謂唐室
之衰兮神猶主乎山川謂唐民之匱兮神尙歆乎血食

何凶悍之難制兮敢乘幾而肆逆口震怒兮威聲雷吼
彼姦孽兮掩耳而走主雖弱兮時獲載寧城雖危兮民
得固守華之父老兮至今思之念昔艱難兮悲歌涕洟
感神之德兮家口而戶奠荅神之休兮秋嘗以春祠薦
肴蔬兮刈玉井之芳蓮進酒醴兮挹渭水之清瀾神之
來兮旆綵霞翻神之醉兮覲舞風旋父老兮欣欣偃口
兮拜神願神兮無斃降福兮孔均日將暮兮神聿歸風
蕭颯兮雨霏微雨公田兮及我私望有年兮其庶幾

大定二十四年十月初一日里人張瑀立石

刊石王口

按碑敘乾寧三年李茂貞犯京師韓建請昭宗幸
華州語與唐書本紀合以下敘建誅李筠散殿後
軍圍十六王宅殺諸王是夜建袖劍詣行宮將及
御幄有神厲聲叱退明日訪之迺華之城隍神云
云本紀書於乾寧四年而於城隍神之事略焉五代
史韓建傳載其父叔豐謂建語與城隍
神叱退之語略同殆儒者不語怪之意碑於此段
失書四年二字下文遂云明年八月己未車駕還
京師甲子改元光化以華州爲興德府封城隍神
爲濟安侯所謂明年者似三年之明年則四年矣
碑誤也改元光化是五年八月事升興德府據唐

金石錄卷一百五十一
書地理志實是四年事碑蓋牽連書於改元之後未分晰耳升府與封神自是一時之事升府既在四年則封神亦在四年亦爲碑所牽連也然升州爲府本紀四年不書至光化元年八月壬戌書至自華州此下乃紀改元事設使華州已升爲府則紀當云至自興德府矣此事雖碑誤而紀與志亦不能無疑因附識之碑文作於乙未爲大定十五年其立石則在二十四年濟安侯廟碑唐光化二年別有李巨川撰文柳懷素正書王弇州顧亭林朱竹垞諸家皆有跋惜搨本未備附識之

同官縣靈泉觀記

碑高八尺二分廣三尺三寸五分刻牒之下截三十行行五十五字正書篆額在同官縣

華原竹溪散人楊峻撰

邑士劉利賓篆額

月山鄉貢進士劉光書

粵以元璞未分窈冥而含五太淵宗至寂恍惚而蘊二神雖寓強名難窮妙體上無復祖惟我是身在乎太初太易之前生平無象無形之內塵劫雖壞亘古常存分清濁而犀乾坤運化育而誕景曜允爲萬烝之祖宏闢衆妙之門鑽仰而彌高弥堅究詰而至麤至妙孰知空

洞而內隱別體寧測太無而中蘊至真肇自公孫黃帝之登極也以道化天下志洞清虛心傾妙有感西王母而降駕授帝玉像元始天尊帝置宮中道觀之上辰夕朝謁然宮觀之号繇黃帝之始也厥後漢唐仙宮道觀碁布天下去縣之北僅二里餘有靈泉觀者寔皆宗之行宮鎮銅川之福地形勢雄壯殿宇崢嶸西腋嶺峰之雲崑翠侵戶牖東瞰漆水之煙浪濶徹軒楹南面孤祠暮雨猶孟姜之泣淚北覬神水鹿苑隱梵僧之譯經周迴顧盼嵐光堆裏松蘿影中霞闕連雲重樓聳漢誠一方之奇觀也政和初道士口景安題元魏天師謙之苗裔酷厭塵網栖心物表飄然而至此忻然曰吾願真之地也未迨再葺創營北極殿于西崑之上日以焚修爲事逮四十餘載而羽化師法眷孫党存信繼而住持性頗敦厚心尚恬澹言論朴直授伏魔籙戒律嚴肅擬碧潭之明月清無纖翳駢邪療病應猶谷聲挈勿扶耄以求救治獲痊愈者不爲尠矣由是父老莫不欽慕其行業暨召齋醮遠邇雲臻迄大定初王師南征軍須匱乏許進納以賜宮觀名額法師喜曰斯廟雖榜東嶽聖帝之廟名然非朝廷攸賜竊觀廟有甘泉疫癘者飲之輒愈鄉老目之曰靈泉不若具厥事跡陳告

儻得一額茲亘古亘今之難遇也諸道友咸憚其說法
師遂以狀聞 省部迨于 勅下賜今名額

法師欣然曰况吾教中立觀度人最爲鴻因今契吾昔
宿之志矣由是萌心營葺鳩工市木創建三清殿重修
岱嶽殿炳靈公殿嘉應侯殿西齊王殿法堂三門客廳
廊廡廚庫寮房咸整嚴備椽椽繪壁尤極臻妙若斯經
營三十餘載厥工告畢參差殿閣瓦砌鴛鴦而凝煙屈
曲廊廡堦甃琬碧而晃日重門啓鑰風光凝壺中之洞
天危檻橫虹眼界擬海面之閩苑莓苔擅徑薜蔓繡墻
曉捲珠簾聳天峰蘸揉藍之碧夜涼玉宇和月泉飛素

練之寒雖曰華胥未易過也法師曰生平之願足矣或
曰大道無形上真非象胡爲勞役形神而事土木之工
耶師荅曰道雖無形無形莫宏其道真雖非象非象奚
彰其真雖微妙而差別終有無以相依管黃帝睿聖聰
哲尙事玉象于道觀之上余何人哉安敢不營葺觀宇
欽事真聖哉至大定歲次大荒落師春秋七十有五八
月十五日而羽化門人有二長曰李冲虛次曰党冲惠
孫前管內威儀裴宗微小師党冲惠謂余曰本觀爰古
嶽祠不知元起何代也先師住持垂逮三紀晝不暇餐
夕不暇寐罄竭囊帙專事經營暨于完就然厥勤勞固

非一朝一夕矣况本觀額名雖荷

宸恩所賚非

先師亦不克得也冲惠雖不肖濫叨冠裳夙管追省誠
慮先師平咎之勤績湮滅于千載之下荐恐後世罔知
創賚觀額之由煩公爲我記之刊于翠嚳庶俾後人知
本觀肇起之根因耳余辭曰峻沮濱布衣假使有倚馬
之才難免雌黃不若求文于權貴雖匪吐鳳之句褒踰
金玉冲惠曰此龔瞽之識見况文章天下之公論幸公
勿辭僕不獲已勉書記銘曰

至道希夷靈精一炁視聽無形生先象帝寔侶淵宗靡
知誰子難窮難詰強名強字宏犀妙門溥育羣彙昭昭

兗烏曩履天地中誕人居上豎君治逮于軒皇洞究至
理格彼麤女密授奧旨玉像欽崇道觀肇起宮闕葺修
秦漢奢熾黃冠党公紫府傑士佩籙捧符馘妖剪崇德
服耆艾行播遠邇殿宇經營囊笥捐棄聳雲樓臺晃日
金翠福鎮銅口碓齒漆水皇恩優渥寶額頒賜勤勤一
身住持三紀適撫元因迺書銘記萬載千春永播休美
武義將軍行耀州同官縣主簿兼縣尉飛騎尉李拱
宣威將軍行耀州同官縣令上騎都尉汝南縣開國
子食邑五百戶周允中

大定二十五年歲次乙巳重陽日住持觀事法籙道

士党冲惠立石

汾水高宇刻

右碑兩截上截卽刻三年牒文下截刻此記文甚華

瞻字法亦似褚虞金人碑刻之最佳者

關中金石記

按陝西通志靈泉觀在同官縣治北崖下有靈泉

飲之已疾禱之能雨因以名觀碑云靈泉觀者寔

岱宗之行宮鎮銅川之福地東瞰漆水之煙浪南

面孤祠暮雨猶孟姜之泣淚去云通志載岱岳廟

在同官縣北二里金山之麓金山在縣西北三里

有姜女祠靈泉在山之西麓白石罅中湧出旱禱

有應銅川卽銅官川一名同水在縣東北一里西

南流合漆水入耀州界漆水在縣東北五十里以

地多漆木而名其水善溢甚爲邑患南面孤祠者

謂孟姜女廟也廟在金山巖下

淳化縣重修岱嶽廟記

碑高六尺八寸廣二尺六寸五分二
十三行行六十七字正書在淳化縣

邠州淳化縣重修岱嶽廟記

武義將軍行邠州淳化縣尉飛騎尉劉景山篆額

夫太極初分兩儀肇判萃爾精英之秀爲乎山岳之靈

嶽之最尊首稱於岱鎮彼兗州之域巖然魯邦所瞻位

居五嶽之伯號美上天之孫不歆季氏之旅祭豈假秦

皇之升封掌人倫之摠籍主生死之權輿言其神則微妙無方變通莫測繫人之吉凶禍福有感必至應如影響焉言其體則峩峩崇崇風雲會聚雷雨蒸騰扶持造化茲爲地之德也爰自歷代以來封崇旌顯表其神異者莫越是嶽乎管虞舜之爲君也望于山川徧于羣神歲二月東巡守至於岱宗柴夏禹之時別九州也奠高山大川九山刊旅唐錫元圭告厥成功焉周之受命也武王既定天下載戢干戈載櫜弓矢歌時邁之詩至于方岳之下告□□□□大漢之興武帝放古巡守之事薦禮百神封泰山禪梁父以刻石紀功焉頌於詩載於書編於史傳皆帝王之休功茂烈丕著莫不率由舊章嚴修祀禮稽周禮大宗□□□□祭用牲用蜃大司樂廼奏蕤賓訶函鍾舞大夏所以饋鬼神也故得陰陽和風雨時五穀孰草木茂禽獸蕃財用於是出焉寶藏於是與焉無一物不資其生成無一口□□□□育者也

洪惟

聖朝奄有四海

懷柔百神

保社稷

等山河之固

任公卿法台岳之靈以增修於□□

□□□於諸祥惟

嶽瀆之神載於祀典者黽邑官

屬歲時祭饗夫淳化爲邑在城之東北依山之險舊崔府君祠後人易爲東嶽廟歲月浸久楹欹棟撓瓦墮壁

摧聖□□□□下濕殆將顛仆真可歎惜加之基址
褊隘人皆相與非稱事神之所有邑人郭浹等廼啓願
言化到市民曹成曹珪□□□已業稅地周圍玖畝零
在於舊廟之□□□爽塏之區復葺是廟繪塑締構
累年於茲猶未畢備至大定癸卯之夏也 太谷白

公來宰是邑下車之始敬謁

祠下遂觀修葺之事

勸諭工師莫肯怠墮繼□□□亢旱率其僚佐精意以
禱神神歆其誠屢降膏澤或嘗之疫癘民之疾疹復致
哀禱卽獲康愈公之用心益加嚴奉庶幾變凶歉爲豐
穰變愁嘆爲懽謠豈惟一方之民得□□□之祐助抑

亦百里之內蒙

公之庇蔭今廟也殿宇宏麗門墉

崢嶸碧瓦煥日雕甍飛空體辰極之正位名蓬元之洞
天迴環廊廡二百餘椽繪畫神靈七十四案旣□□□

革故無兩剝以風披神之燕喜以來寧人皆鼓舞而瞻
仰嗚呼天下之事言之易爲之難作之於始者易廢而
復興者難是廟起於將廢作之於難爲甚可慶也與人
□□□是宜刻之琬礪傳之永久來請於僕欲紀其
實愚固鄙陋不能發揚 公文美事下不足副衆

意之懇求安上義不獲已謹述此廟之廢興而爲之詞
以遺其民使□□□祀神其詞曰

岱嶽巖巖 萬古尊嚴 于天駿極 為國具瞻 丘

墟雲雨 主宰蒸黔 靈鑒昭格 害盈福謙 於皇

時周 〇〇〇 謳 哀時之對 來朝諸侯 魯僖之

世 秩祀嘗修 霈然徧雨 協氣橫流 漢武欽崇

歲至元卦 王母親降 圖受真容 唐驪在位

稱其岱宗 天齊為聖 美號穹隆 梨園舊址 〇

〇〇矣 仲山之陰 古廟頽毀 邑人二三 有汾

陽氏 豈憚艱難 神宮載徙 于彼高崗 奠此一

方 培坳鏟凸 補陋薙荒 繡藁畫棟 廣殿長廊

繕飾未備 屢換星霜 粵有白宰 〇〇靈祠

因歲旱嘆 憂民阻飢 用伸懇禱 甘露應期 〇

柔多稔 如京如坻 公之推誠 喜是經營 廟貞

乘奕 民皆樂成 有節既馨 有酒既清 薄奠匪

報 于心震驚 神之來速 聲口應谷 神之盼鑿

民之為福 災害不生 豐登屢卜 文賴神功

誰不祗肅

大金大定二十七年歲次丁未三月二十八日建

進義校尉可淳化縣商酒同監張居信 〇報 劉松

典史 馮翊 怨希 董或 魏冕 張慶 彌宣

馬選 張唐 傳祐 助緣 孫鎬 翟沂 楊輝

將仕郎邠州淳化縣主簿斜卯劉家
朝散大夫行邠州淳化縣令騎都尉南陽縣開國男
食邑三百戶賜紫金魚袋白偉立石

按岱岳廟在淳化縣北二里高岡上其山名壽峯
山或謂卽甘泉賦所云三巒山也今俗呼爲三楞
山文選甘泉賦服虔注椽巒爲甘泉南山又李善
云三巒卽封巒觀疑椽巒爲三楞山而三巒爲觀
名也今封巒觀已無攷或後人卽其址爲崔府君
祠久之又易爲東嶽廟也碑於年月後列銜一曰
進義校尉淳化縣商酒同監一曰修武校尉淳化

縣商酒都監金史百官志酒使之官使從六品副
使正七品掌監知人戶醞造麴蘖辦課以佐國用
都監正八品掌簽署文簿檢視醞造凡京都及真
定皆爲都麴酒使司它處置酒使司課及十萬貫
以上者設使副小都監各一員五萬貫以上者設
使副各一員一萬貫以上者設使及都監各一員
不及一萬貫者爲院務設都監同監各一員不及
千貫之院務止設都監一員此碑有都監同監當
是不及一萬貫者矣然謂之商酒則史志所無又
攷官階之制武散官正九品下曰進義校尉從八

金石錄卷之五十一
品上曰修武校尉今淳化縣都監用從八品階同
監用正九品階亦史志所未詳也碑書寶藏於是
央焉央是興之省筆俗書蓋助於此

蓮峯真逸詩刻

石高一尺四寸廣二尺八寸詩九行行十字跋
十三行行十六字十二字不等行書在薊州

興慶池

華萼樓傾有故基路空讀火餘碑可憐興慶池邊月

曾伴寧王玉笛吹 家集中
件作照

李氏園

央央水泉漱竹籬一林寒玉鎖煙霏青裙白髮人何處

閑殺南樓冷翠微

故大理丞喬君先生以文章起家迹其德業宜有後
者也正隆之亂丞蒲邑保全一城關陝至今稱之京
兆所留題咏雖一時遊戲然今日運會有足奇者

先生仙去十年於茲其子德容以戶曹來光遺跡公
餘搜訪得數絕句命刻之石豈特使芝蘭久而益芳
圭璧久而益貴將見菑田構室不負所托矣天祿鄉
里晚進嘗接餘論方漫令長安此一段因緣喜與德
容共之不揆狂斐於是平書大定戊申正月上沐古
唐申天祿跋

金石錄卷一百五十一
此口得之錄事口口明昌七年二月因府衙委錄事
司口整興慶流杯亭以此石置之壁間錄事馬釗錄
判馬祥記

右蓮峯真逸興慶池李氏園三絕句喬君名辰字君
章洪洞人元裕之中州集稱其詩樂府俱有名然所
錄詩止一篇又不著其歷官本末據此刻知喬君官
至大理丞正隆之亂丞蒲邑保全一城可補中州集
之闕矣喬德容當爲京兆戶曹中州集亦未載戊申
蓋大定紀元之二十八年上沐猶言上澣也申天祿
時爲長安令

潛研堂金
石文跋尾

按中州集稱喬辰字君章初名逢辰洪洞人天德
三年進士所載詩祇凌虛堂五律一首碑所刻二
絕句俱闕焉詩後申天祿跋云正隆之亂丞蒲邑
保全一城關陝至今稱之蓋自登進士至此越十
一年矣金史海陵紀正隆六年六月備法駕入于
南京九月上自將三十七總管兵伐宋命河中尹
徒單合嘉爲西蜀道行營兵馬都統制平陽尹張
中彥副之由鳳翔取散關駐軍以俟後命十月宋
人攻秦州臘家城德順州克之申跋所謂蒲邑一
城保全者殆卽此時事也申跋作於大定戊申云

先生仙去十年于茲則喬辰之卒在大定戊戌距
正隆之亂又十六年其子德容名宇中州集稱其
八歲能鼓琴召入東宮顯宗稱其不凡大定十六
年登科貞祐初爲益都按察轉運使與田涿器之
俱歿兵間顯宗者太宗之子楚王允迪大定二年
五月壬寅立爲皇太子二十五年六月庚申薨二
十九年正月世宗崩章宗卽位二月癸亥追尊爲
皇帝廟號顯宗德容召入東宮約略在大定七八
年德容時年八歲則其生在大定初年當申天祿
作跋時德容以戶曹來京兆是登科後十二年自
戊申後越二十五年爲貞祐初其時德容官益都
按察遂遇兵難計其年可五十五六矣此碑移置
流杯亭壁在明昌七年二月是作跋後九年不知
德容是時居何官也明昌無七年是年十一月始
改元承安故二月仍得稱七年洪洞喬氏父有功
於蒲邑子被難於兵間兩世忠貞久無傳述金史
既不爲立傳省志又不詳事蹟賴中州集略述其
父子而尤賴此碑之存與中州集參攷得其大槩
備載於此俾作志者或有取焉

雲寂院鐘款

鐘不知大幾許分止下截書每截界爲八區上截每區一字下截書勸緣監鑄及與會諸人姓名正書在淳化縣

皇帝萬歲臣佐千秋

大定二十九年十月十七日雲寂院住持僧道演

都會首沙門僧守彥

勸緣衆法口僧義達 義遠 守進 守嚴

講經論沙門僧守因

講經論沙門尊宿僧守一

鑄鐘大鑑富平縣各各村劉閏 劉信 寇榮

同監女口烈查刺

并界都監大珪

忠翊校尉淳化縣商酒都監郭彬

口武將軍享化縣尉義騎尉叻古信年

登仕郎淳化縣主簿干邦達

顯武將軍縣令騎都尉路豐縣開國男食三伯戶楊

定

按雲寂院今謂之雲寂寺在邠州淳化縣西南一

里陝西通志不詳其興建始末此鐘鑄於大定二

十九年而院之創始亦無攷款列住持僧以上至

淳化縣令止凡十七人姑存其姓名內有鑄鐘大

鑑富平縣名村劉閏名村不可識此後周刻男
 女姓名一百三十餘人大都皆助緣人今皆不錄
 然其中村名有曰崇德村李譚空村盈倉村口保
 村口泉村甘村車馬村安樂村俱口村西甘村巨
 店東控村百家谷名村小磴社東草市賀莊村
 孟堠村秋社村四泉村西陽口屯莊北步昌東甘
 皆金時村之不可資志乘攷證者識此以備採

金石萃編卷一百五十六終

